

分宜縣志卷四

學校志 學宮 學制 書院

棧樸作人古有明效魯興泮宮鄭設鄉校今之

學宮昌明

聖教崇祀

先師巍巍廟貌鈐陽立學代經改造移北向南離光普照

學額既廣

皇仁不冒學田繕租尊師重道太常龍標書院名號義塾

社學羣欣化導志學校

學宮

分宜縣志

卷四

學校 學宮

一

聖祖仁皇帝康熙二十三年

御書萬世師表匾額頒懸各學廟

世宗憲皇帝雍正四年

御書生民未有匾額頒懸各學廟

高宗純皇帝乾隆三年

御書與天地參匾額頒懸各學廟

特詔聖廟用黃瓦先師正位居中東西列四配十哲次之兩

廡列七十子春秋以來諸儒次之

仁宗睿皇帝嘉慶五年

御書聖集大成匾額頒懸各學廟

宣宗成皇帝道光元年

御書聖協時中匾額頒懸各學廟

文宗顯皇帝咸豐 年

御書德齊幃載匾額頒懸各學廟

同治 年

上書聖神天縱匾額頒懸各學廟

大成殿正位

至聖先師孔子

東配

復聖顏子

漢永平十五年祀七十二弟子顏子位第一  
魏晉祀孔子均以顏子配唐貞觀二年以孔

分宜縣志

卷四

學校 學宮

一一

子為先聖  
顏子配饗

述聖子思子

宋大觀二年從祀端平三年  
升列哲位咸淳三年配饗

西配

宗聖曾子

唐開元八年從祀  
宋咸淳三年配饗

亞聖孟子

宋元豐七  
年配饗

以上配位宋以前皆稱封爵元至順元年贈顏子充

國復聖公曾子邲國宗聖公子思子沂國述聖公孟

子鄒國亞聖公明嘉靖九年改稱復聖顏子宗聖曾

子述聖子思子亞聖孟子

國朝因之

東哲

先賢閔子唐開元八年從祀

先賢冉子唐開元八年從祀

先賢端木子唐開元八年從祀

先賢仲子唐開元八年從祀

先賢卜子唐貞觀二十一年以經師從祀

先賢有子唐開元八年從祀

西哲

先賢冉子唐開元八年從祀

先賢宰子唐開元八年從祀

分宜縣志

卷四

學校 學宮

三

先賢冉子唐開元八年從祀

先賢言子唐開元八年從祀

先賢顓孫子唐開元八年從祀

先賢朱子宋建炎四年生慶元六年卒七十一歲卒

以上哲位宋以前皆稱封爵明嘉靖九年改稱先賢

某子

國朝因之有子朱子升列哲位從一例

東廡先賢

先賢公孫僑左傳魯襄公八年始見昭公八年卒

先賢林放唐開元朝二十七年從祀

先賢原憲  
唐開元七年從祀二十

先賢南宮适  
唐開元七年從祀二十

先賢商瞿  
唐開元七年從祀二十

先賢漆雕開  
唐開元七年從祀二十

先賢司馬耕  
唐開元七年從祀二十

先賢梁鱸  
唐開元七年從祀二十

先賢冉孺  
唐開元七年從祀二十

先賢伯虔  
唐開元七年從祀二十

先賢冉季  
唐開元七年從祀二十

先賢漆雕徒父  
唐開元七年從祀二十

分宜縣志

卷四

學校 學宮

先賢漆雕哆  
唐開元七年從祀二十

先賢公西赤  
唐開元七年從祀二十

先賢任不齊  
唐開元七年從祀二十

先賢公良孺  
唐開元七年從祀二十

先賢公肩定  
唐開元七年從祀二十

先賢鄭單  
唐開元七年從祀二十

先賢罕父黑  
唐開元七年從祀二十

先賢榮旂  
唐開元七年從祀二十

先賢左人郢  
唐開元七年從祀二十

先賢鄭國  
唐開元七年從祀二十

先賢原亢  
唐開元二十七年從祀

先賢廉潔  
唐開元二十七年從祀

先賢叔仲會  
唐開元二十七年從祀

先賢公西輿如  
唐開元二十七年從祀

先賢邽巽  
唐開元二十七年從祀

先賢陳亢  
唐開元二十七年從祀

先賢琴張  
唐開元二十七年從祀

先賢步叔乘  
唐開元二十七年從祀

先賢秦非  
唐開元二十七年從祀

先賢顏噲  
唐開元二十七年從祀

分宜縣志

卷四

學校 學宮

五

先賢顏何  
唐開元二十七年從祀

先賢縣亶  
唐開元二十七年從祀

先賢牧皮  
國朝雍正二年從祀

先賢樂正克  
國朝雍正二年從祀

先賢萬章  
國朝雍正二年從祀

先賢周敦頤  
宋天禧七年生元祐六年卒

先賢程顥  
宋明道元年生元祐八年卒

先賢邵雍  
宋大中祥符四年生熙寧十年卒

西廡先賢

先賢蘧瑗  
左傳十四年始見卒年無考史記定公

孫僑蓋三十餘年唐開元二十七年從祀明

嘉靖九年改祀於鄉國朝雍正二年復祀

先賢澹臺滅明唐開元二十七年從祀

先賢宓不齊唐開元二十七年從祀

先賢公冶長唐開元二十七年從祀

先賢公皙哀唐開元二十七年從祀

先賢高柴唐開元二十七年從祀

先賢樊須唐開元二十七年從祀

先賢商澤唐開元二十七年從祀

先賢巫馬施唐開元二十七年從祀

分宜縣志

卷四

學校 學宮

先賢顏辛唐開元二十七年從祀

先賢曹卹唐開元二十七年從祀

先賢公孫龍唐開元二十七年從祀

先賢秦商唐開元二十七年從祀

先賢顏高唐開元二十七年從祀

先賢壤駟赤唐開元二十七年從祀

先賢石作蜀唐開元二十七年從祀

先賢公夏首唐開元二十七年從祀

先賢后處唐開元二十七年從祀

先賢奚容蒧唐開元二十七年從祀

先賢顏祖 七唐開元二十

先賢句井疆 七唐開元二十

先賢秦祖 七唐開元二十

先賢縣成 七唐開元二十

先賢公祖句茲 七唐開元二十

先賢燕伋 七唐開元二十

先賢樂欬 七唐開元二十

先賢狄黑 七唐開元二十

先賢孔忠 七唐開元二十

先賢公西葳 七唐開元二十

分宜縣志

卷四

學校 學宮

先賢顏之僕 七唐開元二十

先賢施之常 七唐開元二十

先賢申棖 七唐開元二十

先賢左邱明 七唐貞觀二十

先賢秦冉 九唐開元二十 國朝咸豐三年從祀 嘉靖

先賢公明儀 七唐開元二十 國朝咸豐三年從祀 嘉靖

先賢公都子 七唐開元二十 國朝咸豐三年從祀 嘉靖

先賢公孫丑 七唐開元二十 國朝咸豐三年從祀 嘉靖

先賢張載 宋天禧四年生 熙甯十年卒

先賢程頤 宋明道二年生 大觀元年卒

以上先賢位宋以前從祀者從稱封爵明嘉靖九年改稱先賢某子周張程邵五子嘉靖時稱先儒崇禎十五年改稱先賢位在七十子之下漢唐諸儒之上國朝俱稱先賢不稱子

東廡先儒

先儒公羊高 子夏弟子唐貞觀二十一年從祀

先儒伏勝 秦博士唐貞觀二十一年從祀

先儒毛亨 年無考受詩於荀卿以授毛萇按史記楚考烈王二十五年荀卿廢居蘭陵距漢興三十

魯國毛亨則是秦漢間人國朝同治二年

祀從

分宜縣志

卷四

學校 學宮

先儒孔安國 漢武帝時為博士侍中唐貞觀二十一年從祀

先儒后蒼 漢宣帝時為博士明嘉靖九年從祀

先儒鄭康成 漢永建十一年生從祀明嘉靖九年改祀於

鄉國廡今移東廡

先儒范甯 晉咸康五年生隆安五年卒六年改祀於鄉

國朝雍正二年復祀

先儒陸贄 唐天寶十三年生永貞元年卒

先儒范仲淹 宋端拱二年生熙祐四年卒從祀

先儒歐陽修 宋景德四年生熙甯五年卒

先儒司馬光 宋天禧三年生元祐元年卒



先儒謝良佐 宋稱程元門四先生進士國朝卒道光二十九年時同

先儒羅從彥 宋熙甯五年生紹興四十二年卒

先儒李綱 宋元豐六年生紹興十年卒

先儒張栻 宋景興二年生淳熙七年卒

先儒陸九淵 宋嘉靖九年生原熙三今年卒

先儒陳淳 宋紹興二十三年生嘉定十年卒

先儒真德秀 宋淳熙五年生從祀淳熙四年卒

先儒何基 宋淳熙十五年生咸淳四年卒

先儒文天祥 宋端平三年五月二日生元至元九年

分宜縣志

卷四

學校 學宮

九

原西廡今  
移東廡

先儒趙復 宋元無考以宋端平二年至北庭當

先儒金履祥 宋紹定五年生元至元從祀原西廡今移東廡

先儒陳澔 宋景定二年生從祀原西廡今移東廡

先儒方孝孺 元至正七年生朝建文四年卒

先儒薛瑄 宋洪武二年生從祀原西廡今移東廡

先儒胡居仁 宋宣德九年生成化二十年卒

先儒羅欽順 宋成化三年生嘉靖二十六年卒

先儒呂柟 宋成化五年生嘉靖二十一年卒

先儒劉宗周 宋萬曆六年生從祀原西廡今移東廡

先儒孫奇逢  
年明九萬十歷十二道光八年  
國朝康熙十四年卒

先儒陸隴其  
年明六崇十三雍正二年  
國朝康熙三十一年卒

西廡先儒

先儒穀梁赤  
子夏弟子  
唐貞觀二十一年從祀

先儒高堂生  
秦末漢初人  
唐貞觀二十一年從祀

先儒董仲舒  
漢武帝初年對策為江都相  
元至順元從祀

先儒毛萇  
漢河間獻王博士  
當武帝時從祀

先儒杜子春  
漢永平初年  
九唐貞觀二十一年從祀

分宜縣志

卷四

學校 學宮

十

先儒諸葛亮  
漢光武朝  
建興十二年卒  
今西廡

先儒王通  
陳至德二年生  
隋義甯二年卒  
嘉靖九年從祀

原東廡今  
移西廡

先儒韓愈  
唐大曆三年生  
長慶三年卒

先儒胡瑗  
宋淳化四年生  
嘉祐四年卒

先儒韓琦  
宋大中祥符二年生  
熙寧八年卒  
今西廡

先儒楊時  
宋皇祐五年生  
紹興五年卒  
今西廡

先儒尹焞  
宋熙寧四年生  
紹興二十二年卒

先儒胡安國  
宋熙寧七年生  
紹興八年卒

先儒李侗  
宋元祐八年生  
隆興元年卒  
今西廡

先儒呂祖謙 宋景興二七年從祀 淳熙八年卒 西廡

先儒袁燮 七國朝同治 祀

先儒黃榦 宋紹興二十二年生 嘉定十四年卒 西廡

先儒蔡沈 宋乾道三年生 紹定三年卒 西廡

先儒魏了翁 宋淳熙五年生 嘉熙元年卒 西廡

先儒王柏 宋慶元三年生 咸淳十年卒 西廡

先儒陸秀夫 宋端平四年生 祥興二年卒 豐九元從祀

先儒許衡 宋嘉定十二年生 元至十八年卒 祀

先儒吳澄 宋淳祐九年生 元統九年卒 國朝乾隆二

廡今復祀原東廡

分宜縣志

卷四

學校 學宮

先儒許謙 元至元七年生 後元至三年卒 西廡

先儒曹端 明洪武九年生 宣德九年卒 西廡

先儒陳獻章 明宣德三年生 宏治十三年卒 祀

先儒蔡清 明景泰四年生 正德二年卒 祀

先儒王守仁 明成化八年生 嘉靖七年卒 西廡

先儒呂坤 明嘉靖十五年生 萬曆四十六年卒 祀

先儒黃道周 明萬曆三十五年生 國朝順治三年卒 西廡

先儒湯斌 明天啟七年生 國朝康熙二十六年卒 西廡

以上先儒位明嘉靖以前從祀者皆稱封爵嘉靖九

年改稱先儒某子

國朝稱先儒不稱子

崇聖祠正位

肇聖王木金父公

裕聖王祈父公

詒聖王防叔公

昌聖王伯夏公

啟聖王叔梁公

以上正位明嘉靖九年於

大成殿後立啟聖祠祀叔梁公

國朝雍正元年

分宜縣志

卷四

學校 學宮

詔封孔子先世王爵合祀五代更名啟聖祠為

崇聖祠

東配

先賢孔氏孟皮

七年國朝咸豐配饗

先賢顏氏

從名無繇唐開元二十七年配饗

先賢孔氏

祀名鯉宋咸淳三年從配饗

西配

先賢曾氏

從名皙唐開元二十七年配饗

先賢孟孫氏

九名激明嘉靖九年配饗

東廡先儒

先儒周氏名輔成十三年無考明萬

先儒程氏名珦宋景德三年生元祐五年卒年八十五明嘉靖九年從祀

先儒蔡氏名元定宋紹興五年生慶元四年卒年六十四明嘉靖九年從祀

西廡先儒

先儒張氏名迪年無考國朝雍正二年從祀

先儒朱氏名松宋紹聖四年生紹興十三年卒年四十七明嘉靖九年從祀

以上先賢先儒位明嘉靖時稱先賢某氏先儒某氏國朝因之

右所列位次併分註俱係遵照同治二年頒行所定  
祀典

分宜縣志

卷四學校 學宮

會典載每歲仲春仲秋上丁日致祭

先師先期散齋二日各宿別室至前一日同宿祭所不

飲酒不食葱蒜不弔喪問疾不聽樂不理刑不判署

刑殺文字不預穢事不接賓客致齋于心惟專治祭

事祭前一日主祭簽榜由署中門出鼓樂迎至

文廟前張掛

大成殿外牆至晚行省牲禮主祭率僚屬至明倫堂觀

演樂習舞畢引贊引獻官穿補服詣省牲所唱曰就

位至香案前立獻爵奠酒三揖唱曰省牲牽牲過案

唱曰禮畢宰牲用小碟盛毛血執事捧送各神案前供奉餘毛血埋淨土主祭官率

僚屬至

先師廟丹墀各一揖退 祭日雞初鳴將牲饌樂器燭爐

陳設整齊主祭率僚屬等至更衣所通贊贊曰簽祝

版引贊唱曰更衣官穿朝服曰升堂從東曰序爵曰

序事各生曰請祝請祝曰簽名各官曰下階從西通

贊贊曰啟戶司戶生將曰樂舞生就位曰執事者各

司其事諸生各曰正獻官就位分獻官各就位文東

通贊贊曰塵毛司毛血生將毛血磔捧從中啟牲

饌執事將牲饌曰迎神 樂作引贊引各官唱曰詣

西北隅迎神眾官眾官打躬通贊贊曰參神樂奏咸

分宜縣志

卷四

學校 學宮

十四

平之章唱贊曰跪眾官皆三跪九叩首興樂止初獻

通贊贊曰行奠帛初獻禮樂奏甯平之章 引贊引

主祭官唱曰詣盥洗所浴手淨巾詣酒尊所司尊者

舉冪酌酒執事取酒執爵由正階引贊唱曰詣

至聖先師孔子神位前跪上香進帛奠帛進爵獻爵俯伏

興平身唱曰詣讀祝位跪鳴贊曰眾官皆跪引贊曰

俯伏讀祝文興平身鳴贊曰眾官皆興平身 引贊

引主祭官唱曰詣復聖顏子神位前跪上香進帛奠

帛進爵獻爵俯伏興平身唱詣宗聖曾子神位前跪

上香進帛奠帛進爵獻爵俯伏興平身唱詣述聖子

思子神位前跪上香進帛奠帛進爵獻爵俯伏興平  
身唱詣亞聖孟子神位前跪上香進帛奠帛進爵獻  
爵俯伏興平身復位通贊贊曰行分獻禮引贊引某  
官詣東西哲神位前引某官詣東西廡神位前盥洗皆  
跪上香獻帛獻爵俯伏興皆復位亞獻通贊曰行亞  
獻禮樂奏安平之章引主祭官詣酒尊所取酒唱詣  
至聖先師孔子神位前跪餘與初獻同 終獻樂奏景平  
之章餘與初獻同各復位 引贊引主祭官詣飲福  
位跪鳴贊唱眾官皆跪引贊唱曰飲福酒執事取正  
中一爵從  
右遞與主祭官飲訖將  
爵從左邊遞與執事 唱受福胙執事取  
前半膊盛木盤從  
胙各官俱行三跪九叩首禮興復位通贊贊曰徹饌  
樂奏咸平之章執事將牲饌俱徹通贊贊曰辭神樂  
奏咸平之章各官俱行三跪九叩首禮 引贊引眾  
官送神至大成門唱曰詣送神所曰眾官打躬 通  
贊贊曰望燎讀祝者捧祝執帛者捧帛各詣燎所  
先聖帛祝  
俱由中門 引贊引眾官唱曰詣望燎位舉柴焚祝帛  
將祝文揭下并帛俱  
焚於火內埋於坎下 曰復位樂止 通贊贊曰闔  
戶 鳴贊唱曰禮畢退班

文廟祭文

乾隆九年

頒行

分宜縣志

卷四

學校 學宮

十五

維乾隆 年 月朔越某日某縣某官某致祭  
於

至聖先師孔子曰維

先師德隆千聖道冠百王揭日月以常行自生民所未有

屬文教昌明之會正禮和樂節之時辟雍鐘鼓咸恪

薦於馨香泮水膠庠益致嚴於籩豆茲當仲春秋祗率

爨章肅展微忱聿將祀典以

復聖顏子

宗聖曾子

述聖子思子

分宜縣志

卷四


學校 學宮

亞聖孟子配尚 饗

正位祭品陳設圖

雍正五年  
加大享

東西配東西哲  
東西廡視遞減







春祭夾鐘爲宮倍應鐘起調秋祭南呂爲宮仲呂起

調

迎神 咸平

首行註春祭應鐘起調次行注  
秋祭仲呂起調後俱做此

大哉孔子

先覺先知

與天地理參

萬世之師

祥徵麟紱

韻答金絲

日月既揭

乾坤清夷

初獻 甯平

予懷明德

玉振金聲

生民未有

展也大成

分宜縣志

卷四

學校 學宮

俎豆千古

春秋上丁

清酒既載

其香始升

亞獻 安平

式禮莫愆

升堂再獻

響協蕝鏞

誠孚壘甌

肅肅雍雍

譽髦斯彥

禮陶樂淑

相觀而善

終獻 景平

自古在昔

先民有作

皮弁祭菜

於論斯樂

維伍天伍牖伍民伍

惟伍聖伍時伍若伍

彝伍倫伍攸伍敘伍

至伍今伍木伍鐸伍

徹饌伍咸平

先伍師伍有伍言伍

祭伍則伍受伍福伍

四伍海伍鬻伍宮伍

疇伍敢伍不伍肅伍

禮伍成伍告伍徹伍

毋伍疎伍毋伍瀆伍

樂伍所伍自伍生伍

中伍原伍有伍菽伍

送神伍咸平

鳧伍繹伍義伍義伍

洙伍泗伍洋伍洋伍

景伍行伍行伍止伍

流伍澤伍無伍疆伍

分宜縣志

卷四

學校 學宮

十九

聿伍昭伍祀伍事伍

祀伍事伍孔伍明伍

化伍我伍蒸伍民伍

育伍我伍膠伍庠伍

學宮舊在縣治東宋初建於邑西五里宣和間遷清源

渡嘉定六年改遷西郊漕使陳孔碩記端平元年州

守趙師恕移建舊址自為記咸淳六年縣令章采遷

安仁驛併清源書院為學明初兵燬知縣張仁復建

於邑治東正統十四年御史韓雍行部至縣按復侵

地景泰五年知縣吳江新大成殿天順四年知縣吳

瑞重修成化二十三年知縣莫立之重葺工未竟知

縣曹忠終其事翰林學士汪諧記嘉靖二十八年巡

撫傅鳳翔行縣視學檄有司重修邑人大學士嚴嵩  
捐俸助役萬曆十三年知縣周應治重修教諭許持  
謙記四十六年圯知縣張三聘教諭王廷對鼎新之  
知府黃鳴喬記

皇清順治十年五月大風雨學宮圯康熙七年知府李芳  
春重建知縣林笙記十三年寇燬二十年知縣蔡文  
鸞重修自爲記四十六年知縣周開緒再修雍正三  
年知縣譚獻策從紳士林鳴鴻等議詳請卽原基改  
建北向自爲記乾隆三十八年知縣林邦珖倡率紳  
士重修增建神庫於大成殿東神廚於大成殿西自

分宜縣志

卷四

學校 學宮

二十

爲記咸豐癸丑三年合邑捐輸改建仍舊向南時知  
府元善諭知縣竇紹曾倡率紳董始事歷經接任縣  
事錫榮盧開甲踵成之迄乙卯五年工竣

明倫堂元至元二年邑人陳辰翁捐新虞集記

明成化二十三年知縣曹忠重修學宮併新明倫堂學  
士汪諧記宏治十六年知縣吳蘭以眞果院逼儒學  
左請於郡守朱華徙之卽其地爲堂題曰奉詔視學  
之堂禮部主事楊循吉記

皇清雍正十三年知縣鹿聖敬於學宮後重建明倫堂及  
禮門乾隆十八年知縣陳大經改建明倫堂於學宮

右邑人黃廷琳記

神庫在大成殿東側

神廚在大成殿西側

戟門明萬曆二十四年署縣事推官徐之孟改闢瞰江

後改學宮  
北向遂廢

皇清乾隆十六年署知縣張若涇倡建戟門於今學宮前

工未竣萬方竟其役邑人嚴宗定記

分宜縣志

卷四

學校 學宮

二十一

丁祭教

鄂爾泰

竊惟

至聖先師萬世之師表也冠帶集團橋

天子有臨雍之典春秋屆仲月上丁修釋菜之儀內則命

夫胃子三公外則寄於有司羣牧典綦嚴也誰敢懈

焉本部院前莅南藩職司秉鬯恭逢丁祭親齋沐而

宿鬻宮先令儒官較簿書而正祭器乃知牲或已經

宰殺既失告全致潔之心物豈盡屬肥鮮更乖博碩

蕃滋之義且或常供不充夫額數任先後以那移珍

品不潔於豆籩致菹鹽之雙疊兼聞各學亦有同風

罔知共竭精神但解奉行故事甚或尊壘未備疇詳  
犧象之形琴瑟雖陳莫辨敵箴之狀觀者如牆如堵  
任彼咆哮祭者似醉似癡頽如聾瞽一尊纔薦滿庭  
之燎火無光三獻未終兩廡之燈輝已滅於是登鉶  
與簠簋悉憑顛倒几筵鹿兔與榛菱似遇摩空鷓雀  
分甘奪臙半由承祭之家人拍拋喧天遑問糾儀之  
齋長駿奔髦士霎時怒髮衝冠輿隸膳夫一片雄心  
染指凡此之類罪豈勝誅皆由約束不嚴亦以躬行  
未善不思主爵則身膺一命幸得窺聖人門牆分獻  
則職任半穉原以司泮宮俎豆平時未知化導已蒙

分宜縣志

卷四

學校 學宮

二十二

尸位之譏臨事不克恪恭難免曠官之咎於是飭郡  
守州牧縣令等職兼以誠教授學正訓導諸員各矢  
乃心以襄大典預期三日牲牲皆供乎餼牽先事一  
朝品物盡陳於類辟齋戒沐浴來觀習樂試歌舞於  
明倫堂前料量潔清退服寢衣斂精神於尊經閣畔  
庶幾必誠必信斯夙夜之惟寅無怠無愆知神人之  
感格是并中之條約用以頒諸學宮

改建學宮記

陳孔碩

嘉定六年秋孔碩將旨來掌嶺南西道漕事道分宜  
縣出西郭門外有儒服濟濟峩冠而來迨且百人遮

道致辭曰吾邑新學成於今日之吉釋菜告成而君子過之能少枉入觀乎僕不敢違降輿而徒周觀其址則後壟前阜蜿蜒盤峙亢爽高明博袤衍迤迺正衣冠而前令長謝君已待於門肅容而入仰睇旁矚則孔殿巍然塾序如翼邃如豁如穹顯端直循序躋堂相與爲禮畢令起而言曰昔吾邑學宮洵更迭徙悉非其地好古竊不自揆度工與材而士之願輸財力見助者忻然恐後功以克輯告成之日會君適來諸生咸喜其何以幸教之孔碩三遜而後敢言夫處士就燕閒出於管氏書者士所安身之地也知止而

后有定傳於孔子徒者士所宅心之地也身苟安矣可無以宅其心乎吾徒勉之哉咸應曰唯揖降而出其後謝君與生徒謀記文所屬或對曰者之登吾堂與我言者不可乎謝君遂以書道諸生之意來請文孔碩巽避數四而請不止竊嘗聞孝廟臨御日嘗因下取士詔諭詞臣曰偶思得二語欲見命辭日當爲君子之儒無慕人爵之得臣必大頓首奉詔孔碩私竊佩服大哉王言以爲雖三代之爲學周公仲尼之爲教亦莫切於此矣夫德業有常言行有則自身及家自家及國君子儒也言語文辭有葉與枝入耳

出口急於人知小人儒也仁義樂善天予我者也我能貴之而不知貴公卿大夫人予我者也能賤之而不知退倘能三復聖謨而味其旨則學之大本立矣或疑上方以人爵招賢而顧使之毋慕何耶曰聞之論語學也祿在其中矣學可勉祿不可干也可勉在我不可干在人勉之於中其外自至一有慕焉則患得之矣苟患得之斯患失之得失怵於中又焉得爲君子儒乎請書其大者而於歲月工役金穀之細略焉他日過是將有卓然以才德鳴世者僕將拜下風而請奚科第名位之足言謝侯名好古字敏夫建

分宜縣志

卷四

學校 學宮

二十四

安人

儒學記

趙師恕

分宜爲袁屬邑郡之東偏師恕自湖右易地守袁入境之初詣縣學謁先聖廟僻在荒郊五里之墟及門下馬肅容以入前視廊廡草深數尺垣墉傾圮椽桷半摧如古祠荒郊聞無人聲伊威蠨蛸得擅其業聖像賢顏雨淋風剝門人從祀闕略丹青其瞻仰之地且如此則俎豆絃歌可知矣師恕一奠再拜歛襟而退默默不敢嘆息俯躬自念有爲牧伯郡守終年不接武於夫子廟之階域者况於爲邑者哉蓋風俗之



興廢使之然既出廟邑之諸生執圖經以進而請曰  
舊學在縣東三十五步爲老子之徒因邑宰不治奪  
而居之天厭異端之害道也今煨燼爲瓦礫之區乞  
復其舊師恕至郡之二日乃捐五百金徵良匠經營  
舊址逾月而落成舁夫子像歸於新宮堂廡室舍罔  
不畢備士者雲集俎豆一新諸生復屬師恕爲之記  
因爲之言曰天下之達道五曰君臣父子夫婦昆弟  
朋友之交其君臣父子夫婦兄弟乃人倫之至親至  
重而不可一日廢闕者至於朋友分若輕矣情若疎  
矣是又烏可以四者並立而爲五哉蓋君臣之義父

分宜縣志

卷四

學校 學宮

二十五

子之親父婦之別長幼之序周旋應接之間或有不  
能交盡其道者若非藉朋友相與講明此理以維持  
之則乖爭凌犯有不可一日居者而異於禽獸不遠  
矣惟能相責以善相輔以仁去其斲彝倫者求其敘  
彝倫者然後四者順其理而保其利乃知朋友之分  
若輕而所係爲至重情若疎而所關爲至親蓋四者  
之綱紀在是而於人倫爲最大者則庠序之設朋友  
之會豈徒然哉今之學舍以其殿堂之巍巍然衣冠  
之整整然羣居終日言不及義徒務記覽爲詞章以  
釣利祿寵榮而已恐非古人所以教人之法國家所

以化民成俗之意學者其勉之哉端平元年二月記

重修儒學記

汪諧

分宜爲袁鉅邑山水秀朗仙臺外倚於仰山秀江東馳於彭蠡土生其間率崇節概而敦詩書有由然矣儒學在縣治東地勢亢爽規模整肅路當衣冠之衝前有清源溪水之勝山川清淑之氣於是萃焉顧其宮室門廡建自國初歲久傾圮縣令每致修葺而理者屢矣然未有能悉力以易之者也成化癸卯今南臺監察御史錢塘莫君立之以名進士來主縣事謁廟之頃慨然退語僚佐曰文翁在蜀而學校興僖公

分宜縣志

卷四

學校 學宮

二十六

君魯而類宮作及今不理誰執其咎於是召工師集羣匠度地宜具畚築伐堅實之木以爲棟梁陶膏沃之士以爲瓴甃於其頽者興敝者易隘者闢漫漶者章施凡三閱歲而告成蓋自廟及廡堂齋門庫棲息之廬庖溷之所祠祭之器罔不煥然一新也夫然後人之入其門者見其崇工峻宇鬱鬱峨峨升其堂者見其黼黻冕珽洋洋如在至其室者見其籩豆有列禮樂肅只莫不忘其勞疲相與而歡樂之是豈非聖化入人之深而莫君能順道之詎克爾耶旣江陰曹君原孝來代厥任又從而修葺之僉謂分宜學舍遠

過往昔二君之功也嗚呼學校教化之本三代之所以必興者其養士皆有法也周衰法壞而東漢趙宋猶僅得之漢養士以節義廉恥宋以道德中和故漢之君子剛毅敦樸悉能自樹於波頹風靡之中其平居出處皦皦明白至雖罹禁錮猶奮勵而不可奪宋之君子醞正詳雅履規矩而蹈準繩平居則守道義談禮樂至遭竄逐亦從容就之而不變是豈上無所養下無所得而能然耶我國家建學立師作意培養有三代漢宋之遺意而祇若彞典悉力以作興之者又有如莫君先之曹君繼之士自今而後藏修游息

分宜縣志

卷四

學校 學宮

二十七

於其中講先王之遺文踐古人之成跡處則有以表率乎鄉閭以敦風化出則當侃侃自立效忠盡職以勵名節則是宮之所以作斯爲無負不徒使學者藉聖賢門戶以爲干祿取寵之階而已也故因其學李訓導洪謨之請而爲之記

重修文廟記

許持謙

自政教職分世稱良有司者不過錢穀甲兵刑獄致詳已爾至於學校之地朔望僅一展拜先師聚生徒羣揖散去之外則廡宇之修與撓與齋舍之葺與頽與宮牆之飭與壞與廟貌之嚴與圯與視若罔覩一

切置而弗問夫惟其置而弗問也則崇儒重道之意概可見矣而冀教道倡明人材烝懋也厥惟艱哉乃鼎石周老先生以函牛之器試割鈐陽者五於茲錢穀既已充實甲兵既已精覈刑獄既已銷息其究心於政者詳矣且於學校之廡宇齋舍宮牆所以居師儒業生徒者覃心極慮靡不爲之而先師之廟觀其棟楹傾敝丹雘剝落者尤懼非所以妥先聖之靈則吾道不尊而頗戾於鼓舞人材之術也於是取盈於學租而以已俸佐之市材鳩工託少尹蕭君某以董其役經始於乙酉十月十一日越數月而告成傾

分宜縣志

卷四

學校 學宮

二十八

圮者倏爾壯剝落者倏爾鮮而諸士之顧瞻廟貌者亦覺沛然而生色也夫鈐陽才藪也文章若盧公肇忠節若黃公子澄亦世所希覲者然揆厥由興則以作郡縣者有如李公德裕張公仁首倡之今侯宰茲邑不遜美於二公諸生中甯不以黃盧二公自期哉持謙由南昌擢教而來適當落成之候亦奇邁也謹礮石而作之記侯名應治字某號鼎石萬曆庚辰進士四明罌湖周氏人

重新文廟記

黃鳴喬

分宜之有學宮也自宋雍熙元年析宜春之安仁諸

鎮爲邑治始也學宮之改卜於邑也自我大祖高皇帝定鼎之初歲在丙午始也維時草昧甫闢靈秀新鍾迨洪武辛亥開科是邑歐陽公貞首應隆興之捷迨甲子而黃公子澄更膺高薦乙丑以會元冠春坊焉歐陽公當勝國末季韜光斂采堅不仕之義及綰綬國朝而清修芳跡卓絕一世所著周易問辨史提鈎貧樂集各若干卷行於世而黃受學於歐陽文章操行後先步武其孤忠峻節挺然光史冊而錫歐陽之光則斯學宮也甯第科名繼美且孕毓品流皆第一人物此豈出於偶值蓋秀江巨浸從郡城蜿蜒而

分宜縣志

卷四

學校 學宮

二十九

來至於櫺星門之前尤回環屈曲更有鈐岡以砥柱之故汪洋之聲與蒼翠之色湊泊滙合映帶有情非地鍾其奇而人逢其昌乎余丁巳秋領郡過此欣然會心盼望不忍去奈是宮也曾圯於萬厯丙申丁酉間時當事者難於計畫輒將延恩閣之木石漫爾移置以冀苟完中間椳栴與棟楹多鑿枘不相入亦憑拙匠以聊且從事洎戊午之夏倏焉盡傾所儼然獨存者惟先師一几筵而已己未四月余入覲北旋適滇中張君來令斯邑謁廟方畢穆然咨嗟遂與學博謀光復之而諸生僉踴躍以協佐不數日檢公帑堪

動之金若干兩申請經始焉章貢插漢之材罔惜貲以市撫臨成風之匠悉厚值以招規制之宏敞結構之堅緻參輿論而歸獨斷里胥弗擾工作競先是年仲冬諏吉興役而庚申六月卽巍然觀厥成矣諸生慶廟貌之輝煌卜文運之亨嘉告於令而偕學博以記請余余雖愧不文然際茲盛事亦安敢過自退遜因進諸生而語之曰凡人狃常習故每束於耳目而未必遽奮惟當煥然鼎新之會觀聽旣易則精神自爲激昂並山川佳勝亦若另有一番効勩而弗復如昨今日有司修學宮從此師修教士修文行亦翻然

分宜縣志

卷四

學校 學宮

三十

急新圖而滌舊習春絃秋誦日邁月征怒翼奮飛丹衷畢矢泰宇則懋勳猷鼎沸則靖節義求以追跡歐黃諸君子毋重貽茲宮羞庶於拮据更始之初心不相背負而嘉賴榮施詎一郡一邑已哉緣爲記歲月而推廣此意以勉勵並垂於石崇正間知縣張國經曹國祺洪名臣教諭夏應舉並先後修葺

重修學宮記

林

笙

邑令

蓋自我太守李公泣袁以來於郡中之廢墜有當修舉振興者百計經營既不遺餘力矣其事關鉅典爲風教人心所繫屬尤切注向焉每遇屬之大工大役

苟有申請未嘗不行行未嘗不力至於學宮若郡庠若宜庠若萍萬創建者增修者皆已改其舊而新是圖惟分邑之學宮興復最後其最後奈何蓋學宮之廢惟分宜最久而習習而忘遂無有齒及者笙不肖亦不意其荆榛一至此也到官之初有事

文廟瞻眎週遭慨然久之適胡學博鴻漸有修葺明倫堂之舉申請於公備述學宮久廢狀公不勝大息謂我輩遊聖人之門平生所學何事於此而可已又烏乎不已爰是銳志重修以

文廟爲亟亟或有難者曰厥務至鉅厥費綦繁度用材

## 分宜縣志

### 卷四

學校 學宮

三十一

木幾何工役幾何歛貲幾何乃可鳩工公曰不然天下無不可爲之事無必爲之志有志者事竟成耳惟分邑之民已蹙不堪重困其毋棘斂毋勞民務俾有濟乃首捐俸五十金以爲倡而徐漸爲之計其責成在縣省試在學更爲約法期以十日具文一報凡竹頭木屑及工傭食指盡可稽也時公以公事有會城之役便道鈐山尤必親詣督察焉以故鮮弛力鮮冒濫用簡而功多是役也始事於戊申之夏落成於己酉之冬起視

聖殿崇巍有加廊廡歧翼門屏伉將

啟聖之特廟攸芋名宦鄉賢之几筵咸秩昔也廢址荒  
臺今也輝煌文物萬民是若不亦宜乎學博請記於  
公公屬筮識其事且曰豈予不佞是爲時維總理則  
規畫勤劬具窺盤錯之班時維簡閱則泮壁籌度日  
分羶席之晷時維駿奔則園橋觀聽譽髦踴躍以爭  
先時維竭蹶則經營子來百工鼓舞以待命用是藉  
手告成以不負所學併信必爲之志可以自勉勉人  
爾嗟乎公之意念豈不深遠矣哉勞而不伐謙而有  
光我公有焉惟笙襪線微才不足仰佐公高深萬一  
然卽公興學一事必誠必信其爲屬未模範亦復何

分宜縣志

卷四

學校 學宮

三十二

窮云爰泚筆而爲之記以俟觀風者考焉

重修學宮記

蔡文鸞 邑令

漢魏以來祀孔子惟曲阜闕里至唐開元始詔天下  
郡縣置廟立像四配十哲七十子春秋釋奠載諸典  
章歷朝因之尊師重道至鉅典也分宜爲袁東要地  
儒學在縣治東三十五步地形軒爽前有高山清流  
之勝由厥門者文章功業忠孝節義袁郡分邑爲最  
詎年世久遠廟宇圯壞兼以鼎革兵馬蹂躪僅存  
聖殿一座前後及兩廡竟成瓦礫余叨宰分邑下車瞻  
謁徘徊久之竊嘆曰梵宮刹宇中多榱桷日新况我



夫子天縱之資睿作之性仁功邁於堯舜性理接於  
羲皇享配比於禹稷德配天地道冠古今實生民未  
有之聖獨令文物之邦治平之世可使廟貌不修乎  
似非振興後學之本也商之學博胡君喻君各捐俸  
以爲倡邑之紳士尚義者咸出貲以爲助鳩工庀材  
開復頭門兩廡由是頽者興敝者補規模雖未能悉  
備庶幾不失國家建學立師作養人材之遺意使後  
起者知所瞻仰敬畏以自勵非徒爲干祿取寵之門  
戶已也至若規制大復古初端有俟於將來

改建學宮北向記

譚獻策 邑令

禮有類於從宜而制不合於羣議者則將仍古乎曰  
然事有近於從俗而情實協於神謀者則將違眾乎  
曰否古者國有大疑既內斷於心猶詢於士庶謀及  
卜筮稽其從違以決作止蓋其慎也况學校爲聖賢  
靈爽所式憑士子才德所由造孰有大修舉敢妄徇  
眾議而違古制乎哉昔袁甫奏建象山書院命洪季  
陽相地徐巖因境之勝坐巳面亥位

先聖先師以北向當時或訾其非是今分邑改建學宮  
其位置適同乃卒行之而不疑及成亦無議之者則  
以相地之宜採從輿論從欲之卜尤斷自聖靈也邑

學地前昂後窪舊建聖宮止盡前址門以外近街衢市井雜沓車馬之所紛馳既無以作肅起敬而諸凡典制若櫺星門泮池亦弗能備議者僉謂易向而北則其地寬平高爽可以盡制盡誠且七峰秀峙於前鈐山拱倚於後形勢之宜他時新建曹安峰先生曾極稱其勝緒論可徵則地利於人文亦有助焉會余自蜀東膺

簡命承乏茲邑每逢祗謁瞻仰廟貌懼頽圯乃延合邑人士謀所以新之於是持前議以進者十居七八而難之者亦執古義以相繩互持不決余乃請於本府憲

### 分宜縣志

#### 卷四

學校 學宮

#### 三十四

李通稟各憲率校官弟子齋宿祠下翼明聚禱於

先師前令各以片紙疏所議 瓶中三闋皆北眾議遂定士爭輸貲民樂趨事規方正位輦材伐石凡諸陶冶梓匠丹漆黝堊之工用無不備先建大成殿次修堂廡及諸祠戟門外繚以長垣修廣中度有嚴有翼惟櫺星門泮池因材不繼待漸修復經始於乙巳之春竣工於丁未之夏既成余興器用幣釋奠於廟午夜肅雝觀者如堵礮石請記余既謝不敏而邑士大夫復以爲言乃不獲固辭因諗於眾曰書云民之所欲天必從之易曰天且不違而況於人乎古聖王神

道設教未有不參驗之天人者也是役也人神符合  
龜筮協從蓋庶幾洪範所謂大同則吉者分邑人士  
際此昌期殆必有厚自淬礪以膺維新之運者焉毋  
驚爲科名而忘其本毋逐於浮華而絕其源於以應  
聖朝作人之化仰答大聖人在天之靈其有當乎如徒泥  
形家者言爲梯榮利祿計則有負斯舉矣諸君子其  
審識斯言也則皆應之曰諾不敢忘遂以記於石後  
之覽者可以考焉時教諭爲舒君冠訓導李君吉嗣  
教諭劉君斯組實落其成督役衿士林鳴鴻而貢生  
嚴宗塔生員袁璉張天嘏等皆首倡捐貲與著勞績

分宜縣志

卷四

學校 學宮

三十五

例得備書凡用白金若干兩其餘姓氏具列碑陰云

文廟增建神庫神廚記

林邦琬

分宜居府治之東偏秀江巨浸由瀘溪歷郡城逶迤  
而來鐘山昌山二峽爲城邑上下關鎖峯巒突起插  
漢凌霄惟鈐山舒徐蜿蜒橫列如屏其高處卽今學  
宮之所倚枕也分邑之學宮自明初復建於治東之  
三十五步而近地勢亢爽面陽背陰至

皇清雍正乙巳復卽其址改遷北向規模壯麗棖桷整嚴  
遠近諸山無不効靈呈瑞於堂陛之下及辛未添設  
戟門泮池厥制備矣但由乙巳近今五十一載風霜

剝蝕瓴甍半多毀裂予下車展拜後周視堂廡卽殷殷以修理爲己任顧簿書鞅掌未遑也今上春之月與兩學博及諸紳士集議於堂各捐廉俸以倡斯舉一時之聞風響應者無不踴躍爭先挈貲以助鳩工庀材擇邑中紳士之廉幹者若而人設局以董其事而予與學博漆君彭君往來監視採納眾議加以審詳首將內外正殿修葺丹雘黝堊與以更新又因兩廡至殿階上下皆有空地未飾觀瞻而正殿之後與左右側亦僅列以短墻不足蔽風雨議於兩廡各新建五間選其堅木施以彩繪復擇其舊之可仍者添

設三間於廡墻之內左爲神庫右爲神廚由大成門直達後墻綿亘相屬其後墻之高鬱鬱峨峨合兩旁計之爲丈八十有奇而戟門以前垣墻皆屬填人以竟其業其於修廢舉墜之意差無可憾也至白鏹緡錢之出入皆予爲之總理而所需工料則首事自爲支發刪其浮費豐其廩餼大小力作爭先競勸自仲秋興役至於季冬五閱月而工竣諏日宰牲妥神而四方之來觀者抵掌稱快此

先聖在天之靈所默爲啟佑而予忝在承乏亦藉可告無隕越者也方今

聖天子興學右文薄海內外浴日沐月况分邑素號名區  
人文接踵前如盧子發之文章黃太常之節義流風  
餘韻至今不絕而又因是以上求乎古聖賢大學教  
人之旨與有宋輔翼道教之功戒虛浮而敦實行崇  
廉讓而息奔競根本盛大積厚流光以視夫汎濫於  
詞章沽名釣譽以竊取利祿者其相懸不啻什伯於  
以垂雅範而繼勳猷豈不盛哉予故於功成之日紀  
其巔末勒之貞珉竊幸諸紳士之相與有成也是爲  
記

學宮記

嚴宗定

分宜縣志

卷四

學校 學宮

三十七

古辟雍之地壅水環繞如壁侯國郡縣學則半之故  
謂之泮池禮所記澤宮是也其池外爲戟門蓋取列  
戟於學以告成事之義分宜舊建大成殿廡南面湫  
隘臨於闐闐假前江流一灣以當半壁其門亦逼壓  
鈐嶺弗稱數仞宮牆雍正三年僉改北向紳士輸費  
二千餘金構造維新足以妥侑垂遠其後科名鼎盛  
歷十餘載而仍於門池有缺焉今

上十有六年署縣張君若涇與邑中有幹計者謀厥始  
約三百金可以樹門穿池於是伐石掘土鳩工甫集  
而張以憂去時萬公方來宰分邑乃諮諏師儒擇士

之練達老成者專司其事匠役之懈弛者策之財貨之濫冒者清之出納之盈縮者硃標而招揭之毋替古制毋滋侈靡凡以完澤宮所應有者而已抑予讀魯頌思樂泮水薄采芹藻以至於屈醜獻功遠至邇安之業實基於此孟氏曰遊於聖人之門者難爲言訓者謂小言詹詹概不足數諸君子學於斯者誠深畏聖言得門而入則盈科後進汲深綆長庶幾元龜南金懷我好音矣又豈僅弄筆墨徼科名如郡學記李泰伯所譏者哉是役也落成於某月某日費如前數學博魏君永安協贊之力最多明府命余爲記不

分宜縣志

卷四

學校 學宮

三十八

獲辭爰質言之以壽諸貞珉

重修學宮記

黃步堂

凡爲郡縣皆有學學必有廟以祀夫子我朝聖神相承崇儒重道加意作人各直省均立學宮莫不振興文教恢宏舊規矣分邑學宮創自宋初代有遷徙屢經修葺至雍正三年改建北向踵事增華前令譚林二公之文可考也歲戊辰予奉

簡命由詞館出宰茲土甫下車祇謁廟學見殿廡門垣日就頹弛悵然有青衿茂草之感而受事方新未遑興作然切切以教化人心爲己任勸農讀法之餘風聽

臚言始知邑人好善樂施曾醵金漆造考棚令士子  
風簷寸晷中心安體舒慘淡經營一脫從前擠排雜  
沓之苦而予因於丙夜點次校閱亦爲之暢然意滿  
且先是嘉慶元年間東西北及南鄉各捐貲倡立賓  
興會小試給卷資大試助贖金爲士子稍壯行色不  
啻河潤九里眞盛舉也越五年邑紳復具呈倡始修  
學更愜素心旋即鳩工庀材黽勉襄事于宋桷楹礎  
之殘缺者易之丹雘髹漆之漫漶者新之廚庫瓴甃  
之毀裂者補之又移植丹桂雙株於戟門外以爲瑞  
兆踰年而訖工於是躬率僚屬行釋菜禮父老賓從

分宜縣志

卷四

學校 學宮

三十九

環橋門而觀聽者肅然敬訢然喜予因進諸生而告  
之曰古之教學者皆躬行心德之事非語言文字之  
末也而總不外道學經學兩端顧所謂道學者卽體  
驗於六經四子之書非經書之外別有道學也如與  
論夫子之性天則升階見其堂哉皇哉人室窺其奧  
如曠如所謂道學者在是與論夫子之文章則工師  
之選材蓄用卽其根祇也匠石之鈎心鬥角卽其結  
構也巧人之黝堊藻繪卽其潤澤也所謂經學者在  
是抑又知夫朽欹者可頓改其形苦窳者可求變其  
質聖門有教無類天下所以鮮棄才也孔子任斯道

於二帝三王之後爲萬世法今之隆其祀者尊其道也師道立則善人多修己治人出處咸宜何往不得斯道哉爰勒諸麗牲之石以爲諸生勉同其事者教諭曾桂訓導梅照璧少府婁以吉例得並書

崇聖祠祭文

維

王奕葉鍾祥光開聖緒盛德之後積久彌昌凡聲教所覃敷率循源而溯本宜肅明禋之典用申守土之忱

茲屆仲春秋聿修祀事配以

先賢孔氏

分宜縣志

卷四

學校 學宮

四十

先賢顏氏

先賢曾氏

先賢孔氏

先賢孟孫氏尙

饗

文昌祠

在大成門左

土地祠

在大成門右

名宦祠

在大成門左

宋分宜縣知縣郎

簡

分宜縣知縣王 揆



分宜縣知縣周 輔

分宜縣知縣謝 諤

分宜縣知縣許及之

分宜縣知縣壽千秋

明分宜縣知縣張 仁

分宜縣知縣戴備納

分宜縣知縣陳繼宗

分宜縣知縣周 瑛

分宜縣知縣吳 瑞

分宜縣知縣吳 江

分宜縣志

卷四

學校 學宮

分宜縣知縣莫立之

分宜縣知縣曹 忠

分宜縣知縣吳 蘭

分宜縣典史應 昌

分宜縣教諭曲入繩

分宜縣教諭夏思義

分宜縣教諭李 蕃

名宦祠祭文

卓哉

羣公懋修厥職澤被生靈功垂社稷茲屆仲春秋謹以牲

禮用伸常祭尙

饗

鄉賢祠

在大成門右

漢侍御史陳重

唐狀元歙州刺史盧肇

宋進士朝奉郎都官屯田郎中夏侯錫

江西提舉彭持

進士錢塘知縣沈莊可

進士永州教授歐陽椿

朝散郎權吉州事孫汲

分宜縣志

卷四

學校 學宮

四十二

進士光澤知縣趙若燭

三經處士易充

進士永新知縣孫億

元象州知州彭應雷

萍鄉知州趙榮

狀元封楚國公歐陽元

義士署本路同知彭繼凱

明本縣儒學訓導袁天啟

進士歐陽貞

華蓋殿大學士劉仲質

皇清諡忠愨明會元太常寺卿贈禮部尚書黃子澄

四川什邡訓導趙杞材

進士四川右布政使嚴孟衡

金華知府黃伯奇

進士大理寺卿李香

開封訓導擢伊府長史歐陽汶

高州司理袁怡

進士翰林院編修彭鳳

進士刑部郎中易鸞

進士刑部主事宋希堯

分宜縣志

卷四

學校 學宮

四十三

草堂處士趙錦

鄉舉鳳陽同知彭士遠

鄉舉泰和教諭嚴堯日

進士刑部左侍郎署尚書張承詔

鄉舉工部主事彭大科

鄉舉巡按河南兼監軍嚴雲京

鄉舉海州知州孝子朱允恭

鄉舉長沙同知張允中

進士河道總督兼兵工二部侍郎黃希憲

進士左都御史吏工二部侍郎鍾烱

京山縣尉張自新

選貢義士張兆蘭

貢士魏縣知縣署永平參軍張問明

皇清諡烈愍明太僕寺少卿趙賡禹 乾隆四十一年行知本  
諡嘉慶四年行知本

籍有司  
設牌

皇清予入祠明衡山教諭彭允中 同上嘉慶  
四年行知

皇清文學鄉飲介賓嚴雲會

攸縣教諭嚴一心

鄉賢祠祭文

於惟

分宜縣志

卷四

學校 學宮

四十四

羣公毓秀茲邦懿德卓行奕世流芳茲惟仲 春秋 謹以牲

醴用伸常祭尚

饗

每歲春秋釋奠 文廟畢用幣一爵三簋一簋一籩

四豆四致祭主祭官以下俱服吉服行禮

皇清頒發書目

定周易折中三部 二十四本 書經三部 二十四本

詩經三部 四十八本 春秋三部 六十二本

纂日講四書解義一部 十二本 三禮義疏一部 一百八十本

周易述義 詩義折中 二十本 春秋直解 十五本

綱鑑正史約一部十六本 通鑑綱目二部一百六十本

綱目參編一本 評鑑闡要一部六本

四書初稿二本 性理三部十三本 四禮翼一本

大學衍義輯要二本 衍義補輯六本

小學纂註四本 近思錄集解四本

孝經註解一本 明史一部一百一十二本

欽定授時通考一部二十本

上諭六部一百四十六本 又一部六本 舊頒學政全書四部四本

部頒學政全書二部十六本 續增學政全書二部八本

學約三本 舊存儀註一本 先賢先儒位次冊一本

分宜縣志

卷四

學校 學宮

四十五

文廟樂章三本

上諭二部七十本

御纂詩初集一部二十四本 又詩二集一部四十六本 泥爛三十六本

御製文集一部十六本

欽定四書文二部

呂子節錄四本 從政遺規二本 養政遺規一本

訓俗遺規二本 教女遺規一本

欽定祭文祭各廟各壇十三道一本 新頒結式一本 膳黃二道

上諭二本 清漢對音二部二本

明少師嚴嵩捐俸摹印十七等史併皇明制書及家藏

經籍若干帙送學

四書集註 五經集註 共四十本 周禮一部 七本

儀禮經傳一部 十本 史記一部 四十本

前漢書一部 六十本 後漢書一部 四十本

三國志一部 十五本 魏書一部 三十本

晉書一部 三十本 南史一部 十五本

北史一部 二十五本 宋書一部 三十本

南齊書一部 十二本 北齊書一部 八本

梁書一部 十本 陳書一部 三十本 隋書一部 十五本

唐書一部 五十本 周書一部 十本 五代史一部 八本

分宜縣志

卷四

學校 學宮

四十六

元史一部 四十本 禮書一部 十二本 樂書一部 十二本

二程全書一部 十本 程氏遺書一部 六本

西山讀書記一部 三十本 資治通鑑綱目一部 三十本

皇明制書一部 六本 御製文集一部 四本

四書大全一部 二十本 易經大全一部 十二本

詩經大全一部 十本 書經大全一部 七本

禮記大全一部 十八本 春秋大全一部 十八本

性理大全一部 二十本 明倫大典一部 二十本

御製明堂或問 一本 御製大狩龍飛錄 二本

文獻通考一部 一百本 晦翁文集一部 四十本

大學衍義一部 八本 呂氏讀詩記一部 十本

杜氏通典一部 五十本 文選一部 二十本

唐文粹一部 二十本 宋文鑑一部 二十本

元文類一部 二十本 明文衡一部 二十本

左傳一部 十本 國語一部 四本 六子書一部

名臣奏議一部 一百五十本 蘇文忠公集一部 二十五本

義勇武安王集一部 二本 古文類選一部 八本

聖賢圖位 一本 孝順事實 一本 文章正宗一部 十二本

崇古文訣一部 四本 臨川文集一部 十二本

玉海 八十本 為善陰隲 三本 劉向說苑 五本

分宜縣志

卷四

學校 學宮

四十七

館則

一本

學官書籍記

蔡玉瑞

今大宗伯介翁先生嚴公居邑治東學宮之傍御賜有書建樓欽藏永錫祚允矣迺掌留部位宅百揆遐不作人之意恆聿聿焉颯颯焉乃捐薪俸摹印南雍十七等史經集羣書如千部備之學宮以為鄉後進習讀之資於時袁郡伯過齋李公遄督縣葺閣增架儲之鄉間親戚子弟慶幸之至咸曰宗伯公嘉惠後學如此推己及人不私所有如此其視得論衡以自秘者其用心之公私厚薄何如哉吾掌教莫子仲修

同郭子汝忠謂僚末玉瑞曰和鳴之音天下好爵之士欲與聞也蓋以書目鏤於版昭之學宮庶後世有考而無替焉且世世無忘公之賜玉瑞乃敬題末如此云

以上諸書緣迭遭兵燹迄今俱無存



學制

世祖章皇帝順治九年題准刊立臥碑置於明倫堂之左曉示生員

朝廷建立學校選取生員免其丁糧厚以廩膳設學院學道學官以教之各衙門官以禮相待全要養成賢才以供朝廷之用諸生皆當上報

國恩下立人品所有教條開列於後

一生員之家父母賢智者子當受教父母愚魯或有非爲者子既讀書明理當再三懇告使父母不陷於危亡

分宜縣志

卷四

學校 學制

一

一生員立志當學爲忠臣清官書史所載忠清事蹟務須互相講究凡利國愛民之事更宜留心

一生員居心忠厚正直讀書方有實用出仕必作良吏若心術邪刻讀書必無成就爲官必取禍患行害人之事者往往自殺其身常宜思省

一生員不可干求官長交結勢要希圖進身若果心善德全上天知之必加以福

一生員當愛身忍性凡有司官衙門不可輕入卽有切己之事只許家人代告不許干與他人詞訟他人亦不許牽連生員作證

一爲學當尊敬先生若講說皆須誠心聽受如有未明從容再問毋妄行辨難爲師亦當盡心教訓勿致怠惰

一軍民一切利病不許生員上書陳言如有一言建白以違制論黜革治罪

一生員不許糾黨多人立盟結社把持官府武斷鄉曲所作文字不許妄行刊刻違者聽提調官治罪

聖祖仁皇帝康熙三十九年議准直省奉

上諭十六條每月朔地方官宣讀講說化導百姓康熙四十年

## 分宜縣志

### 卷四

學校 學制

一一

#### 御製訓飭士子文頒勒各學

國家建立學校原以興行教化作育人材典至渥也朕臨御以來隆重帥儒加意庠序近復愼簡學士釐剔弊端務期風教修明賢才蔚起庶幾棧樸作人之意乃比年士習未端儒效罕著雖因內外臣工奉行未能盡善亦由爾諸生積錮已久猝難改易之故也茲特親制訓言再加警飭爾諸生其敬聽之從來學者先立品行次及文學學術事功原委有敘爾諸生幼聞庭訓長立宮墻朝夕誦讀甯無究心必也躬修實踐砥礪廉隅敦孝順以事親秉忠貞以立志窮經

考業勿雜荒誕之談取友親師悉化驕盈之氣文章  
歸於醇雅毋事浮華軌度式於規繩最防蕩軼子衿  
佻達自昔所譏苟行止有虧雖讀書何益若夫宅心  
弗淑行已多愆或蜚語流言挾制官長或隱糧包訟  
出入公門或唆撥奸猾欺孤凌弱或招呼朋類結社  
要盟乃如之人名教不容鄉黨勿齒縱幸脫褫扑濫  
竊章縫返之於衷寧無愧乎况夫鄉會科名乃掄才  
大典關係尤鉅士子果有真才實學何患困不逢年  
顧乃標榜虛名暗通聲氣夤緣詭遇罔顧身家又或  
改竄鄉貫希圖進取囂凌騰沸網利營私種種弊端

分宜縣志

卷四

學校 學制

三

深可痛恨且夫士子出身之始尤貴以正若茲厥初  
拜獻便已作奸犯科則異時敗檢踰閑何所不至又  
安望其秉公持正爲國家宣猷庶績應後先疏附之  
選哉朕用嘉惠爾等故不禁反復惓惓訓言頒到爾  
等務共體朕心恪遵明訓一切痛加改省爭自濯磨  
積行勤學以圖上進國家三年登造束帛弓旌不特  
爾身有榮卽爾祖父亦增光寵矣逢時得志甯俟他  
求哉若仍視爲具文玩愒勿儆毀方躍冶暴棄自甘  
則是爾等冥頑無知終不能率教也旣負栽培復干  
咎戾王章具在朕亦不能爲爾等寬矣自茲以往內

而國學外而直省鄉校凡學臣師長皆有司鐸之責者並宜傳集諸生多方董勸以副朕懷否則職業勿修咎亦難逭勿謂朕言之不預也爾多士尙敬聽之

教諭署

詳公署志

訓導署

詳公署志

明倫堂元至元二年邑人陳辰翁捐新虞集記記云國朝仍改至元之二年歲在丙子六月前進士豫章徐邦憲爲分宜丞律已奉職其久也有言而上之人聽之有行而下之人從之丞亦自信其可用乃取其邑之繫於觀瞻者謀於僚友而作新之其令姓某以

分宜縣志

卷四

學校 學制

四

他役自任而夫子廟學之事悉以屬諸丞按縣學本清源書院與安仁驛之故地故宋咸淳庚午令章采遷驛他處併書院之地爲縣學學有廟廟後爲會食堂而所謂講堂者在東廡之東用陰陽家言面乙之位內附國朝令膠東劉才德以爲郡縣講堂必在廟後撤會食堂以作明倫堂而東面之堂不廢然取具一時地卑材劣不足以久學瀕水水漲而堂壞久而不可支遂除去之以其地爲菜圃丞之始來周視慨歎而言曰此吾之責也將誰議乎乃告邑人士以修學之意良民大家莫不驩附而旌儒鄉之士陳辰翁

獨曰丞至年餘一無取於民而爲是義舉何俟於眾力請專爲之丞喜而從其請陳氏出其私財使其孫德星親任其役而縣教諭吉水李良辰董之丞以公事之暇朝夕程督毋苟毋緩壘石於岸以障水取剛土雜石子築堂基高三尺拓舊基凡十尺其邑產紫杉良材也修直中度者用之撓弱斥不取於是爲堂廣七丈有六尺深半之棟之高二十有七尺工績堅緻宏敞偉然其爲堂凡三十有六柱起工於三年之十月堂成於明年正月計其財用工食之費爲鈔萬有千餘緡邑諸生趙良來求文以爲記分宜本分宜

春以爲縣袁之壯邑也昔者袁守祖侯無擇之始建學盱江李太伯記之勵其民以忠孝足以感發人心儒者多誦之後百二十五年張侯杓作新學其兄宣公爲之記詔學者以唐虞三代建學造士之本意而朱子記其學以周程之詞則又以原乎道統之傳而示之以修己治人之一大法而兩先生之言非止爲袁學而言也天下後世之學者莫不誦之而知所以爲學者矣况乎分宜之邑去郡無百里章甫縫掖之士來遊來觀而得其說焉何啻耳提面命之近歸而修之於身講之於友施之於子弟推之於閭里豈不富

哉其爲言矣乎學者卽朱子之說而學焉則宣公所  
謂孝弟之行始於閨門而刑於鄉黨忠愛之實見於  
事君而推於澤民者吾將於分宜之邑而見其人焉  
則無負於邑大夫修學之意矣書以告來者

明成化二十三年知縣曹忠重修學宮併新明倫堂  
學士汪諧記宏治十六年知縣吳蘭以真果院逼儒  
學左請於郡守朱華徙之卽其地爲堂題曰奉詔視  
學之堂禮部主事楊循吉記云

由開闢以來人極爲大素王人師也故陳其道而布  
之方冊俾萬世法而行之歷漢迄今二千餘禩而天

分宜縣志

卷四

學校 學制

六

下大同其盛至於天子親釋奠尊經公卿大夫咸出  
門下環海之內誦其言而以儒稱者又不可勝數夫  
豈徒然哉由夫子之道則治而已矣雖然道之害厥  
今惟浮屠爲甚不擾不除民眩且惑分宜儒學之側  
有佛是居曰真果院者實據左方傲而弗經今歲宏  
治癸亥生徒言於郡太守川東朱公華請去之遂屬  
邑令吳君蘭經畫其事吳君吾姑蘇崑山人也以進  
士宰是邦敦尚儒雅祇命惟力事旣就緒遂以其地  
爲學屬適提學按察副使邵公寶巡歷至邑見故殿  
屋材頗良不欲廢又屬君改而爲堂題之曰奉詔視

學之堂既成吳君使來請記仰惟聖朝以孔子之道理天下郡縣建廟設學無間遐邇士之起而升用者率此焉出而兩京十三省必設憲臺總督之則學校者出治之地而提學使又士之本也任亦重矣肆我皇上法古圖治尤以教化爲先務選督學政率用哲人故邵公特奉簡命莅以大江之西所至較藝考行以身率士務造眞材用稱上德意於是風聲所及皆欲爲公所爲而是邑遂有斥浮屠廣學宮之事公又扁之名而爲堂焉其曰奉詔者何凡督學使出巡必奉勅書行事示有尊也曰視學者何斯堂之設非游

分宜縣志

卷四

學校 學制

七

非息惟學政是視示有專也惟夫子之道賴聖皇而行行道之詔又必良使者而後有成功今是堂也撤土偶居制使黜浮屠談唐虞俾其民曰異端去乎士曰吾道尊乎夫朝廷所爲詔公者宜不外是而公獨爲之然則善奉詔者莫如公善視學者亦莫如公無他正其邪而已矣嗚呼休哉公字國賢直隸無錫人登成化甲辰進士第由戶部郎中陞今官淹貫經史贍於述作志操端正古之流也故其爲是堂有韓歐排佛之風不可以弗志遂書以載之石俾後來者知堂之所由始

皇清雍正十三年知縣鹿聖敬於學宮後重建明倫堂及禮門乾隆十八年知縣陳大經改建明倫堂於學宮右邑人黃廷琳記

世嘗謂事莫艱於創始而踵而成之爲無難前人締構規模必歷世而大備然而力竭則難繼日久則玩生非有人焉倡明振作志氣交孚未有能觀厥成者分邑廟學肇自有宋至端平間遷復今址歷有年所皇清雍正乙巳僉謀改建易廟向而北以就形勢之勝而櫺星門泮池諸役仍多未備閱今二十餘年日久滋怠幾相安爲固然乾隆辛未之秋桐城張侯來攝縣

分宜縣志

卷四

學校 學制

八

事首以化民成俗爲務睹聖廟之壯麗宮牆之寥廓山水遠近之環繞拱揖所過郡邑諸學不概見而典制有缺不勝九仞一簣之憾爰進紳士謀之委宋君式玉嚴子秉璫張子炳文傅君昂等司其事計工徵貲計貲徵材計材程工壘石爲門於戟門之外而鑿池其前凡四閱月而工竣旣又進諸子而語之曰分邑之學其遂謂大成矣乎舊建明倫堂跨廟後非諸生講學居處所敢安而崇聖祠在宮牆之東與廟向背亦非所宜方謀所以更置之隨以憂去邑人士是究是圖又以事勢中格癸酉春卒持前議上狀大方



伯華亭王公得直所請今陳侯實董其成士眾歡動  
競出貲以襄厥役乃移崇聖祠於明倫堂而撤舊祠  
改位南方建講堂北向旁翼二室爲公廡左廟右學  
制乃大備閱三載而告成何其難也夫自有廟學卽  
有此規制門池之設崇聖明倫堂之位前之人非不  
欲有爲非阻於經費之無措卽狃於毋動之爲大是  
惟賢侯明作有功大方伯篤近舉遠所謂舉動合宜  
則眾志丕應使數十年曠墜興復於一旦吾儕得相  
與黽勉匡襄以樂觀厥成其敢忘所自耶諸君子咸  
欲壽諸貞珉以志不朽以廷琳身在事中與聞顛末

分宜縣志

卷四

學校 學制

九

旣讓不獲已泚筆書之用誌其歲月如此且以告夫  
嗣之爲政者王公興吾華亭進士張侯若涇桐城監  
生由新城二尹來署縣事今任陳侯大經湖北天門  
進士

忠義孝弟祠在明倫堂西

節烈祠在忠義孝弟祠後

射圃明萬歷間建於舊明倫堂左

皇清康熙四十五年知縣周開緒修葺訓導陳洪疇記記  
云庠序學校由來尙矣而序獨取義於射說者謂不  
忘武備所以振天下積弱之風又曰不主貫革所以

消天下好勇之氣二者躔之然此皆上之以射治我而非我之所以自治也夫射之爲言繹也各繹已之志也射之爲言舍也各射已之鵠也余於康熙庚辰歲獲補鈐陽訓導見學宮傾頽悵然者久之丙辰之秋幸邑侯周公首倡其事於是偕同寅與合邑紳衿修葺廟貌以崇兩祀殿之東厥惟明倫堂自東而上居民賃爲菜圃欲求義路禮門遺蹟無有存者而壞垣荒徑猶懸刻石於其上名曰射圃考其年則萬歷矣稽其人則當時之合郡守令在焉夫萬歷去今曾幾何時而所鐫石幾如蟲書鳥篆秦碑漢碣光景磨

分宜縣志

卷四

學校 學制

十

滅不可復識又况沉淪於邱園蔬草之中豈射圃之與菜圃任其混淆而莫辨歟抑有爲之前者遂無爲之後者以傳其盛歟吾因思夫今茲壞垣昔之環堵而聚觀者於斯今茲荒徑昔之比耦而出入者於斯今茲耨耨之平壤昔之左射右射祈爵而揚觶者於斯斯何地乎忍令其不與

聖殿而重新乎爰倡諸生鳩工庀材修舉廢墜構亭以踵其盛仍移曩時射圃古石列爲前屏俾射者持弓審固望古石以爲鵠以示不忘古道諸君子登斯堂也乘間游息怡情賓射相祈於好學不倦好禮不變

以射自治其性情而身心以正禮樂以嫻卽謂尼山  
父矍圃之義至今存可也是爲記

射圃廢後嘉慶二十一年知縣黃步堂因舊基建文

昌廟

敬一亭明嘉靖二十八年道府准諸生議建

今廢

尊德樂義齋明成化二十三年知縣莫定之重新

今廢

尊經閣明洪武二十九年知縣王思中建 國朝雍

正三年知縣譚獻策倡邑人改建今廢

學基

分宜縣志

卷四

學校 學制

十一

東界自將軍巷街溝直下至北學界古牆計六十丈現  
有明倫堂東側直下圍牆爲界

西界自大街學碑隨古溝至張家新屋地界直下一十

八丈溝東皆學地溝西係民基爲西南界 又自此

橫過從官巷街直下張家老屋後古橫牆計八丈二

尺內除從官巷自西至東張姓地五丈二尺又除張

家老屋三大進內餘址皆學地爲正西界 又自張

家老屋前照牆東過學宮直牆至北墻西從官巷至

北溝直下各十四丈皆學地爲西北界

此處係學署舊址

南界東自將軍巷從大街直下西至學碑計三十二丈

五尺內除將軍巷口自東直上至西四丈自南街溝至北四丈係民地又除柱國坊下自東至西五丈二尺自南至北係民地餘皆學基

北界東自學界牆隨北邊學前塹橫過西至官巷口大路官溝計四十一丈

學地

一南城學地一方東自忠義祠柵欄橫過至西空巷前後俱計一十一丈五尺左右自街溝至城俱八丈五尺

一聖宮前後左右屋基本學出賃收租

分宜縣志

卷四

學校 學制

十二

一官巷溝東屋基本學出賃收租

一明倫堂前園地本學出賃收租

一東門外萬年橋以南學基北向傍河岸一片直一十六丈橫至河岸計三丈

一關帝廟東邊園地一塊東直一十八丈西直二十丈南橫七尺北橫四尺

一街南地一直橫二丈直自街溝至學田計四丈

一官莊下學基一大片東界自南高塹至北官路下田塹一十六丈西界二丈五尺南橫二十二丈北橫二十二丈

一官莊下屋基本學出賃收租

一八廟前東首路上土一畝今荒東首路下土一畝本

學收租

學租房

一學前街南街北店房本學出賃收租

一老衙舍二進六間併園地一塊本學出賃收租

一萬年橋以南店房本學出賃收租

入學定額

順治四年定直隸各省儒學視人文多寡分大學中學

小學大學取生員四十名中學小學以十爲差府學

分宜縣志

卷四

學校 學額

十三

廩生四十名縣學二十名增廣生如其數府學貢於

成均者歲一人縣學間歲一人康熙九年更定儒童

入學額數府學二十名宜春分宜爲大學十五名武

學名數同六十一年

恩詔直隸各省儒學大學加取七名中學五名小學三名府

學視大學雍正十三年

恩詔如前舉行不爲例乾隆六十年大學加七名嘉慶元年

加五名五年加七名廿五年加七名道光元年加七

名咸豐元年十年各加七名同治元年加七名咸豐

七年合邑助餉銀六萬二千餘兩同治三年報銷蒙

恩詔加永遠文武學額歲科試各六名本科加文武廣額各一名三年紳富北輸廣一次文武 額各一名

### 學田

元縣尹趙思順清復學田歐陽元記

昔宋咸淳九年分宜民宋應槐訟其鄉有田稱梁子思所置立戶爲萬壽庵長明莊者崇法院僧正冲之所作僞也宋田令寺已有常住田不得買民業冲違法私買稱梁氏所置故應槐發之漕使鍾某閱實據法罪冲等而沒其田以畀分宜縣學養士士刻石爲記其文載縣志甚明越三年宋亡分宜內附其田租

## 分宜縣志

### 卷四

學校 學田

### 十四

歲入學廩前後凡二十有八載大德己亥庚子縣學直學劉應丑死其子自昭受崇法寺僧錢盜以本學店基簿賣之由是僧恃力奪田學雖有移文在官求與僧論求直而儒多寒酸學官滿三年率去力莫能競僧挾其有餘之資又歲收其所奪田租以助其力故訟連年不決延祐間江西僉憲薩德彌實按問至邑考覈始末以田歸學僧又爭之旣而奉使宣撫及江西行省理直如前田復歸學僧德旻者往愬宣政院院達之都省省循例移行省體勘其是否行省檄下袁州路路以其事付錄事判官怯烈決之怯烈惟

僧言是聽僧又誘刑餘之人冒儒名者曰宋應祥赴官誣伏怯烈輒以學田歸僧公論咸不直之學乃有詞展轉歲久本路專委縣尹趙侯思順研究尹詣田所集耆老佃人詢知固學田也會宋應槐子從吾持前直學徐棋印信徵租之文以爲左驗先是自昭盜賣學籍於僧學無其副田之條段四至無所於考至是得從吾之文疆界瞭然尹乃周諏密訪備實上於路議以田歸學路質於憲僉憲伯顏適按部力主其議憲掾某相之路推官鄭時中又屢言之尋得行省儒學提舉范君匯悉以其實告藩垣大臣咸直趙言

分宜縣志

卷四

學校 學田

十五

遂以田歸學如初寺主大有坐是爭亦敝罷歸咎始謀赴官入淮伏狀願遵分宜縣所斷以田復分宜縣學爲業第數內有水田四十畝及山園地大有舊所佃者乞減輕租額仍付耕種歲輸學租尹再三審之以其親書入案而徐議其所陳乞於是四十餘年之訟一日而絕諸儒礮石請文以記予乃大息而言曰天地間物人各得以主其所有者以時王之法爲可恃也在法可則物已物也在法不可則非已物也僧違法而田歸官則田非僧物矣官以田與學學受田於官非受田於僧也神聖受命易姓凡前代之所予

奪亦惟其是之從耳世祖皇帝在位崇儒之詔屢下其以膳學錢糧爲養士之資者旣久則分宜之學田實在其中矣成廟卽阼又明有諸人毋得侵占學田之旨由是考之分宜縣學之主是田也在宋之日甚淺在皇元之日甚深由丙子內附至於二十五年間田固學有也僧於斯時未嘗起而爭之也直至劉自昭盜賣店基之後始生詭謀則其枉直較然易知也已國家近年由令民間田宅僧道不得爲鄰不爲鄰者不使買民產也後至元以來又著僧道買田之禁即使正冲私買在今日之法亦豈得爲寺業也乎嗟

分宜縣志

卷四

學校 學田

十六

夫士四民之一僧亦自民出者也王官奉命以司王民之直於斯二者豈容心於其間哉事枉則必復事直則易斷趙侯之明能信其直故無疑也田在儒林鄉土名良步等處計一頃二十三畝三分六釐歲入租七十三碩二斗一升又有一山園地計五頃四十三畝一角亦在其處云是役也儒之宣力者曰某特附著於斯

明張秩袁州府暨屬縣新置學田有記記云

當嘉靖戊申今少司空鳳竹徐公起家宜春令宜春是時民力竭矣公除其煩苛與之休息忍饑而哺冒



寒而襁諸所興建釐革一切順民之欲而無所擾民  
用大蘇邑以無事日惟引諸生課業揚摧古今雍雍  
如也居三年徵入爲御史民失慈母士失良師依依  
然有遺思焉其後二十四年爲隆慶辛未公始以大  
京兆改御史大夫鎮撫江西當公令宜春時從事獨  
賢業已遍涉諸屬縣卽窮山邃谷士習民隱無一弗  
諳者至之日則下令郡邑民所疾苦與所願欲而不  
得遂者皆罷行之根穴之寇談笑芟殄於是四境晏  
然無疾呼急步之警十三郡之眾若治宜春焉初分  
宜嚴氏沒官田宅歲入萬餘金詔以佐江西南贛軍

分宜縣志

卷四

學校 學田

十七

需舊矣而蕪田敗屋歲多逋負軍儲告匱則取盈於  
民敲扑轉徙怨聲載道南瑞臨撫諸郡良苦之而袁  
爲甚公廉知其狀嘆曰坐派名也而積逋若此是無  
裨於官而重困吾民也且田蕪屋敗歲益甚耳失今  
不理害其有極捐近利而懷遠圖孰與計直鬻產儲  
之以備軍需乎乃謀於南贛督府殷公江西巡按劉  
公兩公議合遂會疏得請於是官民兩利而屢歲倒  
懸一朝復釋矣已復念曰袁民今則稍蘇矣若士困  
何且茲地故瘠得無仍有力學而不給糞粥者乎有  
歿不能櫜壯不能室者乎有貢舉舟車之費一切倚

辦於民者乎吾當計所以給之會有匿報沒官田產者會其直得金若干郡大夫以請公欣然曰是不足爲諸生資乎卽以分給五校爲市田費多寡以差自是庠有恆產士有恆資始公爲諸生慮者胥此焉取給矣事竣凡阡陌疆理佃人姓名歲入歲出之數籍而記之且以報命於公且白學憲邵公而郡大夫則謂茲嘉會盛舉何可無紀乃介予門人何生元會謬以爲屬秩聆已感焉夫俗之敝也士大夫傳舍視官府塗人視士民在則念去則否久則忘之者豈少也公去袁州歷二紀餘矣乃其心乎士若民也睠焉如

一日至爲置田給之若父母之遺其子弟然者此非眞仁篤愛怛然結於中而不可解者能之乎雖然公豈屑屑然爲多士饘粥計哉上臣之義爲國樹人需異日效當世用耳夫修先聖之術明當今之務士之業也猶農夫之耕也襍糠弗服錢鏹弗痔曰士之情鹵莽而耕滅裂而耘曰士之罔舍我嘉穀殖彼稂莠曰士之蠹必也禮耕義種仁聚樂安而日講學以耨之以肥於身以肥於家國天下斯公屬望之意不然者是素餐也卽國家何賴焉故置田授粲公之養士也修先聖之術明當今之務則士之所以自養也多

士慎毋舍其田以負公哉秩不佞敬繹緒言爲桑梓忠告因以復郡大夫田在郡暨四邑總之若干畝歲入租若干石其直若干金具載於碑陰公名栻字世寅蘇之常熟人嘉靖丁未進士以今年某月日晉工部侍郎以去公孝友仁厚自不家食時歲以所餘租入給鄉族凡親而貧疎而賢者若而人蘇人德之謂有文正之風其撫江西也崇素儉舉鄉約嚴保甲省徭役平巨寇鋤貪猾所謂撫摩噢咻之者不遺餘力茲以記學田也不具書

一八廟前并官莊一區前縣志九十八畝今學冊八十

### 分宜縣志

#### 卷四

學校 學田

十九

五畝五分共計大小八十五坵

一 耽江前縣志二十六畝今學冊十二畝四分共計大小二十坵

一 武源前縣志十六畝今學冊二十畝又塘改田一畝以二十一畝收租共計大小二百零一坵  
以上三處共現耕一百一十七畝六分租照民間規例收取每年額租銀一十八兩七錢五分歲科兩試由學解學政衙門賑恤貧生

### 鄉飲酒禮圖

定例 每歲正月十五日十月初一日於儒學行鄉飲酒禮前一日於儒學之講堂依圖陳設坐次司正率

執事習禮大賓以致仕官為之僕  
 德者介以次長三賓以教職為  
 其僚屬則序爵司正以員為之  
 之贊禮者以老成生員為之



分宜縣志

卷四

學校

明

李資正 景泰間

林洪昌 正德丁丑

林冠邦 洪昌子嘉靖壬寅

嚴淙 嘉靖間介

林盛 嘉靖間介 廣西慶遠府同知 趙濂為之傳 據林氏家譜

李匡 嘉靖間

彭珪

胡應貞 邑庠 嘉靖

張美中 邑庠 生嘉靖 間介 賓

李載 邑增生 萬歷

嚴時 邑庠生 淙長子 萬歷 介 廩

晏瀟

周可畏 萬歷十四年 介 廩

李璉 邑增生 萬歷 介 廩

黃采 萬歷 間

袁情表 萬歷壬午 介 廩

張桂 萬歷三十 七年 介 廩

歐陽宸 萬歷 間

袁儁 萬歷丁巳 介 廩

分宜縣志

卷四 學校

李簾 郡庠生 萬歷 崇正 間 兩舉 介 廩

黃琮 邑庠生 天啓 辛酉 介 廩

李天錫 邑庠生 崇正 辛巳 介 廩

胡炤 崇正九年 介 廩

張兆正 崇正 己卯

劉應祥 崇正 九年

張楫 崇正十 四年

皇清

順治丁亥

李顯

康熙十年

胡士佳

張士貴

庠生

林自善

康熙十一年

嚴雲會

庠生

鍾日宣

庠生

康熙十二年

周日曙

雍正六年

分宜縣志

卷四

學校

二十二

歐陽倩

副榜

張天嘏

廩生

袁嘉松

傅尚行

貢生

鍾元錦

庠生

林來行

雍正七年

唐德義

貢生

趙士瀾

庠生

黃正冠

和平之直  
鄉望

朱 訊 附監生品端學  
純孝友樂善

黃郁李 庠生

鍾 組

雍正八年

李自謙 貢生

袁斯洵 庠生

蕭文楷

鍾汝達 庠生

李日旦 庠生慈祥醇厚郡縣守令贈額  
盈門學使金德瑛贈匾曰仁德

黃宗樞

分宜縣志

卷四 學校

雍正九年

袁士達 庠生

鍾圻仁 庠生

袁益鳳

鍾 球 庠生

黃廷樞 庠生

鍾秉德

雍正十年

張 標 庠生

劉成漢

宋 萱

彭 洮 庠生

李鼎齡

黃兆蘭

雍正十一年

黃 選 庠生

林來瓊

黃文錦

晏 濂

乾隆十九年

分宜縣志

卷四

學校

二十四

黃廷璋 庠生

歐陽標

鄒鳴玉 品端志潔  
前民矩矱

鍾志玟

乾隆二十年

彭錫珩 副榜

王 俊 長厚和平  
孝友仁慈

宋應芬

嚴開鴻

乾隆二十一年



張毓浚 訓導

歐陽仕 庠生

楊紹琦

黃蘭

乾隆二十三年

任蟠 貢生

林以清 庠生

劉天樞

李元斌

乾隆二十五年

分宜縣志

卷四 學校

林以淇

袁維寅

鍾應璜

吳維憲 孝友  
端方

嘉慶二十年冬季

袁范金 歲貢  
正廩

張文忠 從九職介  
八十四歲  
現

夏侯封

鍾繼大

呂有鶚

趙至海

鍾音皦

朱秉瑄

楊運新

嘉慶二十一年春季

彭城 舉人 正賓

李枝新 監生 介賓

林上荷

孫世恩

李師幹

分宜縣志

卷四 學校

二十六

袁思誠

夏廷枝

謝逢昌

嘉慶二十一年冬季

袁范金 歲貢 正賓

晏廷槐 附生 介賓

蕭之琇

董思裕

宋觀化

李洪祈

嘉慶二十二年冬季

彭城 舉人 正 賓

歐陽任 職介 賓 員

郭邦銓

傅師芹

曹上梯

嘉慶二十四年冬季

張文榮 歲貢 正 賓

胡星煥 職介 賓 員

孫志桂

分宜縣志

卷四 學校

二十七

鍾學琪

黃太魯

吳汝明

周尚騏

劉蔚文

嘉慶二十五年春季

張文榮 歲貢 正 賓

張耀祖 附生 介 賓

黃雲錦

夏侯僅

劉上蘭 鄉持身端正處世無言 公平敦倫睦族重義輕財

袁作礪

補遺

趙鎧 十邑附生 嘉靖二年 介賓

趙洋 十郡附生 萬曆十一年 舉介賓

黃以德 四萬歷二年 介賓

趙杭 俱邑增生 詩禮世家 子炳日炳星炳 四年介賓

道光三年冬季

張文榮 正歲貢

鄧錦麟 介監生

分宜縣志

卷四 學校

二十八

鍾廷實 矩忠誠質 慤先民

道光四年

林為業 正歲貢 春季

夏侯棟 公監生 介賓 居心敦篤 不倦事

袁兆庠 市維拔孫 績學弗售 敦行誼 非考試 不履城

袁文光 厚慕塘人 賦性懇直 勤儉忠

張文榮 正歲貢 冬季

張有年 介監生 禮堂人質 耿介 取與不苟 勤儉

袁兆純 貽謀後嗣 蕃昌 享年七十 有勤儉

趙至穎 勤品行且儉 子孫林立 鄉里賢之身

林為統  
有淳厚勤儉  
訓子

劉輝春  
製存心公正  
義舉種種厚  
修憍補路

道光五年

林為業  
正歲貢春季

彭定歡  
介監賓生

朱懋仁

朱湘筠  
正庠生冬季  
介賓

彭廷樂  
謙秉性淳樸  
持己端方

周尚儒  
遇醴自牧推  
解無吝  
精研醫理製  
藥濟人遠近  
德之積學未

道光六年

分宜縣志

卷四

學校

二十九

鍾尙璋  
正歲貢冬季

李從龍  
介附賓生

趙錫瓚

李如金  
言勤儉篤實  
不苟

道光七年

鍾尙璋  
正歲貢冬季

嚴秉筠  
介增賓生

道光八年

鍾尙璋  
正歲貢冬季

劉起鰲  
介監賓生

胡定信 十年八

道光九年

鍾尙璋 歲貢學八品有端主講梓里遊其門者多所裁

張廷獻 附生介賓北溪人學兼清雅正為人行規

鍾印基 石塘人樸訥成性勤儉居家

歐陽怡 歲貢有冬季

郭方鼎 附生

劉廷彩 心氣和平事理通達排有難解紛

彭釗 東岸人性渾樸治家勤儉

鍾世袞 字補之賦性耿直接物和平家小康尊崇生

分宜縣志

卷四 學校

三十

吳斯行 剛方正直

敖學瓊 謹嚴質直性敏好學文場屢躋義方訓子

道光十年

歐陽怡 歲貢冬

袁文杰 監生

道光十一年

張文榮 歲貢春

林學瓊 附生

道光十二年

鍾尙璋 歲貢春季正賓

張述祖 介例 授州同職

宋紹燿 善秉性 醕良居家勤儉尤能樂

袁斯逢 花圃人 性渾厚不立崖岸持身醕謹處世

張文榮 歲貢冬 正貢賓

吳自偉 從九品 介賓

郭思中 原名思忠 必力為人廉隅持己忠厚待人鄉

道光十三年

歐陽怡 歲貢春 季正賓

趙錫蘭 增生 介賓

劉廷占 持身正直 秉性醕良從無機事機

分宜縣志

卷四 學校

易大經

道光十四年

唐大綸 歲貢春 季正賓

黃大誠 監生介賓 賦性含章居身質樸虛

張星照 白芒人 好善樂施修祠宇置祭田愛

黃光遙

趙錫寅 候選訓導 冬季正賓

夏侯文豫 監生介賓 居身

鍾師頤

黃開順 行多慷慨 嘗與人生排解雖費多金不吝尊

道光十五年

趙炳南 恩貢冬

劉廷禹 監生介寶識大書院尤加義種輸士林莫可服

袁懋信 漿源人語言慇直處事公平

趙一誠 精明渾厚

道光十六年

袁人俊 正歲貢

謝連 監生

歐陽科 星湖人處己端方秉性渾厚年七十居鄉恂恂然無疾言遽色

袁兆曦 維拔孫性醞之厚居與校享年七十有四

分宜縣志

卷四 學校

三十二

袁育楠 禮堂人秉性樸實持身勤儉繩趨矩步不愧先民

劉廷銓 品行端方語言質樸孝友成性長厚居心有古君子風尤能仗義疎財無吝色里黨推重

鍾廷榮 石馬人賦性剛直接物和平喜與人排解延師課後嗣年踰古稀卒次子世彰邑庠生

道光十八年

袁定珍 正拔貢

趙元吉 優增生

鍾曰龍 和光渾俗

陳作楫 幽山人幼應童試屢拔前矛一訓習遊泮者眾現年七十四世一

道光二十一年

歐陽嗣李 歲貢春



李炳斗  
監生 介賓

歐陽瑄  
年六十八

張堂  
歲貢 冬季 正賓

歐陽紳  
庠生 介賓 秉性 醇樸 持己 端方

張宗哲  
生而 穎異 善屬文 因數奇 不遇 遂絕 意上 進為 人忠厚 誠懇 羣推 老成

袁鳴鐸  
公平 正直 一鄉 善士

胡應恕  
純樸 居身 愷勤 訓子 長子 秉中 邑附 生

道光二十二年

夏侯岫  
恩貢 春季 正賓

潘日璠  
監生 介賓

分宜縣志

卷四  
學校

三十三

道光二十三年

黃元  
歲貢 春季 正賓

陳大聞  
監生 介賓

鄒秉璋

袁際崧

袁必齊

傅錫昇  
監生 冬季 正賓 同介

袁如坦

朱日瑜

彭大榮

郭維城

道光二十四年

黃元

正歲貢冬季

黃超

介監生

袁尚裕

一兆庠子性古樸持身嚴正  
介不荀現今年近古稀

道光二十五年

黃其岫

正歲貢冬季

嚴嘉裕

字福臨號瑞齋監生精明渾厚平易近人積  
學未遇訓子有成子二次為銓邑附生

黃汝侏

嚴升哲

現年七十二

分宜縣志

卷四

學校

三十四

鍾師謨

道光二十七年

黃元

正歲貢冬季

陳大海

監生介賓周濟貧乏修整橋道敬惜字紙尊  
崇師儒義舉種種出自天性將來食報正未

有艾

黃其慎

袁師育

道光二十八年

吳體寬

正歲貢春季

陳大海

介監生

敖學珍 渾穆不樸實一言規行士矩持身勤儉時措咸宜

鍾師陶 冬季介賓二監生品學兼優維持賓興倡建龍標書院子長成器城工議敘次成俊邑增

鍾師嚴 勤儉治家渾樸老成子成仁捐建龍標書院敘九品

袁宏會 謹慎樸子長勤義副貢次大猷邑附有成慎樸二勤大猷副貢次大猷邑附

鍾有室 為人勤厚居為勤儉

歐陽士瑞 端方正直溫厚和平持己接物族里咸推

鄧輔元 渾金樸玉不事雕琢持身涉世恬淡自適

歐陽孜 性廉潔勤學友道周敦嘗手輯來氏易註解教授生徒往往別有心得士林咸欽

彭廷昱 忠厚剛直質樸醅謹

黃元 鍾廷樹 朱之袞

分宜縣志

卷四 學校

道光二十九年

趙元吉 李廷頌 袁鳴晟

潘起鳳 夏侯文照 夏侯旭

道光三十年

謝芳大

咸豐二年

張陵 增生 袁錫智 袁兆祐

傅家福 李曰善 袁從雯

周洪和 袁育梓 羅觀滌

趙源通 袁嗣靜

咸豐三年

袁錫智

袁錫紋

袁上珍

潘家璧

邱長發

鍾世秀

晏必秀

鄒邦燕

袁光曉

彭光珠

盧紹儒

咸豐五年

習祥麟

積學未售學師夏雨蒼獎以燕譽  
東榮匾額子承恩壬戌舉人

鍾文星

學師夏雨蒼獎以齒德兼優  
匾額子崇甲子歲貢

袁維實

盧紹鳳

咸豐八年

分宜縣志

卷四

學校

三十六

張光俊

正賓

傅家駿

介賓

黃昌後

胡開策

黃夢模

鍾嗣華

黃鵬斗

咸豐十年

張光俊

劉燃藜

鍾樹棣

黃裕謀

黃文林

袁育龍

鍾承點

萬上斌

咸豐十一年

張炳燮

副貢  
正賓

劉燃藜

生員  
介賓

同治元年

張炳燮

劉燃藜

柳宗珮

袁尙侃

林有圖

林壽亭

張玉振

同治二年

張炳燮

劉燃藜

劉思論

黃崇禮

鍾聯鵬

鍾榮陞

鍾應龍

林為校

林學秀

習世美

張維璜

同治三年

王夢熊

介賓

分宜縣志

卷四

學校

三十七

同治七年

鍾士崇

正賓

張增顯

介賓

劉斯俊

鍾承信

黃家榮

黃述和

袁緒光

袁興英

同治九年

張炳燮

副貢

傅家驥

監生

補遺

道光十五年

劉思朝

李廷剛

李尙信

曹邦彥

道光十七年

張若性 鄒世緯

道光十九年

李尙志 李光慶 鍾上義

鍾上禮 趙錫蠡

道光二十年

袁錫智 嚴藩 鍾廷榮

李大祥 黃大鵬 袁起鷹

袁體信 黃祇藕

道光二十一年

分宜縣志

卷四

學校

三十八

鍾兆寬 袁從詢 鍾定裊

彭紹裘 譚闡中 鍾兆珣

黃上儀 李曰豪 劉起初

歐陽璟 胡秉瑛 李錫範

道光二十二年

潘日親 黃其麟 晏起掄

李大試

道光二十三年

趙源縉 黃斯屏

道光二十五年

鍾化濯

孔傳永

道光二十七年

袁錫祿

吳之馴

袁定驥

黃之根

分宜縣志

卷四

學校

三十九

書院

鈐陽書院在縣署後初宋淳熙時知縣王杭改建鈐岡書院於西郊明末兵燬

皇清康熙四十五年知縣周開緒因建義學於忠愍祠側邑人嚴一沆記記云

鈐邑太常黃公子澄先生表忠祠自明以迄於今蓋百十餘載矣其靖節守死典誌所載班班可考莅茲土者奉香楮祀春秋循行故事鮮有言及之者歲在丙戌古越周公開緒出宰鈐陽甫下車卽以表忠祠是詢又憫棟宇將圯慨然已任雖蓮幕清風拮据經

分宜縣志

卷四

學校 書院

一

營公餘之暇鳩工庀材取舊址而式廓之而且稽墳墓以杜侵佔置公田以隆饗祀非徒以稱壯麗也今國家求賢若渴取士如飴凡餼廩之頒無非儲才學宮以需一日用而公尤於祠傍損貲五十五兩置堂廡數十椽立義學置田產爲鈐多士倡則其所以敦教化而厚風俗者卽古循良吏曷以加茲今其事就理始於丁亥成於戊子僉謀勒諸石以垂不朽云  
乾隆二十九年知縣楊長桂合併忠愍祠增置房舍六間題曰鈐山書院三十二年知縣楊國華復改題曰太常書院道光二年知縣龔笙以邑紳黃其瑚張



曰杰首捐房舍田產率邑人輸貲鼎建題曰鈐陽書院自爲記記云

環分宜皆山也當袁嶺七峯之勝迤邐而銜華蜿蜒而挹秀爲今鈐陽書院斯地也一畝之宮環堵之室本黃君其瑚張君曰杰別墅予旣改黃大常書院爲忠愍專祠方悵諸生肄業之無所而二君慨然以是公諸一邑且助之田此其與人爲善視較錙銖吝出納者奚啻天淵哉竊惟西江之有分宜肇於宋西江書院之盛亦莫逾於宋若鹿洞鵝湖朱陸之淵源如在也當淳熙初邑亦建鈐岡書院於西郊祀宋五子

分宜縣志

卷四

學校 書院

二

明末兵燹鞠爲茂草自明迄今率以大常祠遷就爲之蓋書院之廢數百年於茲矣豈盡詘於物力之故與抑梵宇琳宮常人狃於福田之說不惜重貲以付緇流至於書院則無好義如黃君張君者爲之前與今二君旣導之先而邑人士亦歡欣鼓舞樂助於後相與鳩工庀材處之於燕間以成茲選造者至詳且備昔朱子之立鹿洞教規也曰正其誼不謀其利明其道不計其功陸氏之於鵝湖會詩也曰易簡工夫終久大支離事業竟浮沉士茲於其間講貫服習無異履鹿洞鵝湖之地於以探朱陸之源而尋孔顏之

樂修身立行蘄至於聖域賢關而後已則斯舉也所繫豈淺鮮哉若夫標榜於聲氣之間馳騁於詞賦之末以梯榮而釣譽既非諸君子共勦盛舉之意卽非予不佞之所以厚望於斯邑也道光二年小春月望日記

清源書院在縣治東宋咸淳六年知縣章采併其地爲

縣學

前志

社學一在縣治東起運倉左一在縣治西明正德七年知縣蕭時賓立今廢

前志

羅隱讀書堂在縣北二十五里儒林鄉文苑里隱嘗讀

分宜縣志

卷四

學校 書院

三

書於此有藏書洞車書路洗硯池出墨水諸故蹟與

明參議羅恪居相近

前志

盧肇讀書堂

一作臺

在縣東南鐘山側

前志

鄧廷言題盧公讀書臺詩云鐘山高高鐘水綠昔有佳人在幽谷臺荒只見草萋萋萬卷不留誰更讀古往今來事可悲江山長是昔人非花落花開知誰主惟有年年蝴蝶飛 水自清兮山自綠幽人不見出幽谷後人徒爾仰高風誰解陳書來此讀一回來弔一回悲江聲似歎今人非只有臺邊鷗與鷺忘機兩兩近人飛

鈐山堂在儒學東大學士嚴嵩爲編修時謝病讀書於此初名東堂禮部尚書邵寶記姚江王守仁書額今廢前志邵記云

東堂新第者翰林嚴先生維中之所建也嚴爲分宜望族世居介溪自先生高祖方伯公孟衡以下子姓日繁隘至不可容先生以茲地密邇學宮故擇而居之其先止有其東之半作堂東向號曰東堂鄉之人而習稱焉說者謂南有鈐岡背而不嚮於物理若有非宜者正德辛未予以貴州之節過之蓋亦謂然越八年己卯先生奉使還自桂林乃作堂以面鈐題

分宜縣志

卷四

學校書院

四

曰鈐山堂堂之東舊偃易氏園近貿得若干步所建先祠焉題曰方伯之祠方伯於時得祠以是而名者以爵以德爲他日不祧之地也今年春先生北上過錫爲寶道山堂之概謂凡鐘山仙臺諸峰遠近環列而鈐獨蒼然秀出端若屏嶂嵐霏空翠近若軒几風松烟竹灑如沐如而夏雨方雲冬雪初日滿盈光潔盪胸耀目朝夕萬狀而堂得專之堂之前瀦水爲池環以嘉樹城市山林不惟其趣亦惟其景先生於是亦有以得夫勝概焉予再至鈐一登其頂今聞先生言尤不勝躍然者惟先生以奇偉之才博雅之學膺

臺閣妙選爲國大史儲養延登屹然爲天下之望一鄉之士宜不屑居然自鄉之人論之亦固不能不以爲冠冕也鈐也一邑之勝也先生之居實與之對昔人所謂天設地藏以遺其人者非此之謂乎予昔視學分宜以茲地故爲僧寺不宜居學之左祛其徒而虛之所存佛堂改題曰視學之堂至是乃有賢人如先生者入直於官闕其東之隙居焉而堂固巋然不尤愈乎先生聞之曰重哉公言吾居成矣請書以爲興建記

鈐麓書院在水南大學士嚴嵩建中爲敕賜延恩之閣

## 分宜縣志

### 卷四

學校 書院

### 五

世廟所賜也閣下有軒曰川巒秀萃池上有樓曰天光雲影閣之後依山爲堂曰止善傍有亭二曰碧澗曰林臯明少保許讚記前志記云

惟人賢誕生本夫地氣之淑靈然地勝得名實因人賢而顯著蘇長公文章蓋世則峨嵋匪眾山可擬裴晉公德業鮮倫則綠野豈庶壤可方有袁郡都分宜邑治吳楚交會之區乾坤幽奧之境袁水西來演秀江而渟澄若鑑鈐岡南峙環疊嶂而蒼翠如屏下映廣潭黛影沉水心而互幻上立神祠蒼林翳簷角而蔚森鈐岡中畔月嶺半規隱起異常蜿蜒不已帶以

坡陀或見或伏瀦以陂泉或匯或流境象之勝忽若遺夫茲世造物之工或有私於是方鈐山者實北對縣治南領眾山今少傅大學士嚴公入翰林時嘗作鈐山堂於學宮之東以爲讀書之所迄今四十餘年公位極人臣任崇輔相以忠誠寅亮之德結主知以雄健奇鬯之文裨國華學啟淵衷功熙帝載殊恩屢錫異數洊加瓊翰之樓忠弼之堂宸章已昭回於總郡而優複之賜際遇之隆御題未揭示於通邑顧月山之麓有寺僅存屋荒弗支僧少而貧公貿以莊第濟以百金僧樂徙而淨居勝常吾得地而書院以拓

分宜縣志

卷四

學校 書院

六

然不謀居處可安惟知恩典宜重中建勅賜延恩之閣尊上賜也前爲贊元際聖之堂志感遇也因山水交盤之狀扁川巒萃秀之軒止善堂敞爽於巖阿則設像崇先聖之祠天光雲景樓峨翔於池上則賜扁出睿皇之筆遵彼一澗建有二亭樹參差而被阜則揭曰林臯泉湧出以爲池則榜曰碧澗而總以鈐麓書院名之夫山川泉石互爭奇而獻巧樓閣亭臺各占勝而馳光則按時遊覽天趣豁如矣當其韶華方麗淑氣已融花塢曦暉崇林鳥語琴尊在御賓主交歡斯時也吾不知會稽蘭亭之遊與此何如也及夫

養氣方張時雨覃降亭榭烟橫坵畦水滿萬樹溟濛  
千峰縹緲斯時也吾不知瀟湘江渚之景與此何如  
也又見白露零空玉蟾度漢金餅輝而階除炫晝彩  
虹映而竹樹敷陰庾樓共賞有加於是乎迨觀青女  
施鉛滕六散花川原一色而玉宇高低江山千里而  
瓊林遠近東武高情有逾於是乎夫江雲山月餘館  
閣之書香天藻龍文照澗溪之風致獨不觀莘野寂  
寥商祖之元纁數賁傅巖遠曠武丁之繪象斯來雲  
龍風虎水溼火燥際會之機古今一理觀於此述不  
獨明良之遇可昭冊簡而山川之遇蓋自鼇極既分

分宜縣志

卷四

學校 書院

七

之後而始有今日也噫地靈人傑天元啟之功崇德  
懋聖君表之山神呵護以效厥職日升川至書院孔  
飭

鈐岡書院

邵 寶

堂成未落奈行何卻喜年來復此過地僻儘容徐孺  
榻山深堪唱武夷歌鳥聲似領春風淺草色應霑夜  
雨多讀罷新碑放舟去鈐岡雲盡秀江波

鈐麓

趙 濂

鈐麓頗幽勝新晴景益饒雲霞輝岫閣草樹暗溪橋  
竹塢風泉響松林霧縠飄相逢皓首者趺坐話漁樵

過鈐麓書院有感

趙 濂

元豹當年隱霧深，臥龍旋起作甘霖。  
文章一代欽山斗，題贈羣公比玉琛。  
伐桂爲薪能勿惋，操戈入室竟何心。  
海桑一任他更變，千古鈐山自翠岑。

勸捐鈐陽書院經費啟

邑侯 楊振綱

竊惟國家之治在賢才，人文之興由教化。故輔膠庠以造士，則講院宜崇；合俊選以儲材，則成均是貢。懷鉛握槧，澤躬貴有其資；春誦夏弦，習業必得其地。顧支廣廈于一木，獨力難成；庇寒士以萬間，真情誰舉。是非集茲羣策，莫由勸此隆規。分邑爲山川，奧衍之

分宜縣志

卷四

學校 書院

八

區英喆彙生之會，清源之遺址雖已就荒。忠愍之流風尚猶未艾，讀書臺建蔚文章，詞賦之魁太常祠成。見名節綱維之重，惟滋培於士氣，斯奮起乎人材。乃數十年來，所號爲鈐陽書院者，皆有名無實。卽奉爲歲時考課者，亦罅漏補苴肄業之膏火，缺如山長之修脯，不繼皆緣度支未足。是以經制多疎，此非所以廣育英材、宏敷治教也。夫考棚之建，規模已極；崇閎廟學之修，氣象尤增。壯麗事有關乎禮典，功皆賴乎人爲，而獨至樂羣敬業之堂，興賢篤材之務，竟聽其缺焉不備，廢莫能興乎方今。

聖天子馭宇維新尤以崇儒重道爲念 大中丞下車伊始卽以興學教士爲先菁莪之雅化日隆芹藻之德心克廣<sup>綱</sup>是邦承乏明訓恪遵意旣切夫甄陶情尤殷於嘉惠又况圖終慮始前令開有必先樹本植基後來善貴能繼所望縉紳先生之輩席履豐厚之家量力捐輸協情勸理半古者功必倍勿辭勞費之煩有志者事竟成尙加經營之意謂教化行則風俗美亦並和親以上書謂師道立則善人多且率子弟而就範將見條規大備休紹鵝湖鹿洞之風文運重開茂騰鳳逸龍蟠之彥莅茲土者實厚幸焉謹啟

分宜縣志

卷四

學校 書院

九

道光十七年知縣曾興仁倡邑人改建上棟併修整房屋垣墻

同治四年知縣錫榮復改爲太常書院

鈐陽書院捐貲

原義學租穀每年收漕斛穀伍拾陸碩伍斗貳升伍合田詳雞足山山川志

乾隆六十年三月生員吳日晁捐田壹拾畝零壹分肆釐

一黃柏源坐落窰背上中間元棚下長埭茶盤坵落籠彭坑樟樹下坡口杉樹壁下坡裡等處共田壹拾畝零壹分肆釐大小計叁拾叁坵因田係礮業不能照畝完租每年額收官桶租穀伍石陸斗陸升壹合



陸勺零伍撮完地丁銀玖錢壹分柒厘遇閏加銀九厘零

一捐窰背上與謝姓共管全山壹障上至鴨雞嶺高嶺下至俱係田爲界北至鴨雞嶺橫過騎龍直下至虎形耳陂窰背水到南吳謝管業南至鴨雞嶺直下至猫子形水到北吳姓管業向無取租

一捐黃柏源庄屋壹所地名下屋左邊傍廳壹長間廳參股之壹給佃住坐向無取租

嘉慶六年四月職員謝上元捐田伍畝捌分

一黃柏源坐落廟下孫家邊坡裡坡口上鼎坑羊頭

分宜縣志

卷四

學校書院

十

嶺坡裡等處共田伍畝捌分大小計十坵因田係磽業不能照畝完租每年額收官桶租穀叁石貳斗叁升捌合叁勺玖抄伍撮零完地丁銀伍錢貳分伍厘遇閏加銀伍厘零

嘉慶二十四年六月生員黃上裘捐田叁拾柒畝伍分一蘆塘坵坐落上坵門前長坵犁仔坵月光嶺下上布下手楓樹上烏狗樹下橋仔腦頭嶺仔上新塘下塔里屋背井坑下坑中陂口四十里嶺仔上下坑鈎腦坵大塘遙塘仔上燦前四十里嶺仔上短坑等處共田叁拾柒畝伍分大小計陸拾捌坵每年額收鄉

桶租穀伍拾七石叁桶完地丁銀二兩零伍分陸釐  
遇閏加銀二分零

一捐上埭門首塘壹口內管壹半又魚塘伍巴又劉  
坑魚塘伍巴放養蔭注又下坑陂內塘壹口下上至  
田左右山坑爲界內黃煥章管壹股買人管伍股給  
佃放養蔭注向無取租

一捐蘆塘埭烏坵塘上手建坐東向西莊屋壹棟共  
拾叁間有豬欄肆隻左邊牛欄肆隻屋後欒林竹木  
菜園餘坪空基灰間二隻柴間二隻碓屋壹間坐向  
右邊晒穀坪壹塊餘外並無尅除其屋逢中直下右

分宜縣志

卷四

學校 書院

十一

邊壹半計陸間半至屋後欒林竹木並菜園餘坪空  
基灰間柴間碓屋晒坪無分左右俱係壹半給佃管  
理向無取租

道光二年十月知縣龔笙捐銀拾兩又將前縣于存棧  
捐存書院銀拾兩交監生張尙釗生息乾隆五年起  
至乾隆十一年止共繳本利銀貳拾肆兩前輾轉列  
入交代未行生息今一併發交城內王豐茂典生息  
每年額息貳分

道光二年十月邑紳黃其瑚張曰杰捐署後房屋壹棟  
基地壹塊卽今鈐陽書院東至張姓牆直下爲界西

至圍牆外官路爲界南至圍牆外官路爲界北至圍  
牆外官路爲界

道光二年十月邑紳黃其瑚又捐田拾壹畝貳分伍釐  
一西田下坊坐落界背墩土墘下大人坑栗西塘荷  
葉塘松山下龍背上界背方坵又王家坊廟仔坑等  
處共田拾壹畝貳分伍釐大小計十五坵每年額收  
鄉桶租穀貳拾貳石叁桶完地丁銀柒錢伍分貳厘  
遇閏加銀柒釐零

道光二年十二月生員張曰榜職員張秉機童生張曰  
模共捐田拾捌畝

分宜縣志

卷四

學校 書院

十二

一七都坐落地名塘下官路上刀把坵橫路下橋邊  
蛇形上上溝門前鴨江坵松樹下門前鄧家門前隴  
江井頭門前等處大小計拾伍坵每年額收鄉桶租  
穀叁拾陸石完地丁銀壹兩陸錢伍分壹厘遇閏加  
銀壹分伍厘零

道光二年十二月邑紳李朝元捐田十畝前邑侯黃步  
堂任內加給書院獎賞朝元捐銀壹百兩邑侯贈以  
資富能訓額並題以跋

一城北坐落地名金家邊門前磨下梘山裏佈狗洞  
李家湖園下猪婆湖墘上金家邊門前上手金家邊

門前秧田嶺上規山裏陂邊等處共田拾畝計拾叁  
坵每年額收鄉桶租穀貳拾石完地丁銀玖錢二分  
今將羅大興之妻王謝氏所捐山口地方田畝山場屋  
宇開後

嘉慶十五年十一月得買劉炳文坐落地名坊牌下下  
手早田壹畝伍分大小七坵上至劉宅田下至蕭宅  
田左至山腳劉宅田右至水圳爲界

嘉慶十年十月得買宋亮章晚田伍畝計大小共十八  
坵坐落地名線田小源頭上段下段共三處

一處線田晚田二畝計大小三坵上至劉宅田下至

分宜縣志

卷四

學校 書院

十三

劉宅田左至戴宋二宅田右至劉宅田

一外小源頭上段晚田一畝計大小九坵上至水圳  
下至買人田左至水圳右至水圳朱宅田

一外下段晚田二畝計大小六坵上至朱宅田下至  
張宅田左至水圳高墘右至朱宋二姓田爲界

嘉慶己巳年十二月得買戴永迪 佑古坐落地名姜坑晚田

六分計大小十二坵上至山岸下至羅朱二姓田左  
至劉姓山右至朱姓山田爲界

嘉慶八年十二月得買朱玉輝坐落地名寮前姜坑圳  
上早晚田二畝計四處計大小共十九坵

一處圳上計大小二坵上一坵上至吳宅田下至朱宅田左至宋宅田右至劉宅田下第二坵上左右俱至朱宅田下至行路爲界  
一處隙前計大小二坵上至朱宅下至大江左至買人田右至宋宅田爲界  
一處姜坑晚田一段計大小十二坵上至朱宅田下至宋宅田左至朱宅田右至水圳爲界下一段計大小三坵上至宋宅田下至朱宅田左至朱宅田右至宋宅田爲界

嘉慶辛未年十二月得買宋顯章坐落地名撩前下墩

分宜縣志

卷四

學校 書院

十四

晚田一畝四分伍厘計一大坵上至宋宅田下至朱宋二姓田左至宋宅田右至朱宋二姓田爲界

嘉慶八年十二月得買戴有崇坐落地名東江門前晚田一畝六分二厘五毫計大小二坵上至朱劉二姓田下至水江左至水江右至宋宅田爲界

嘉慶十五年十二月得買宋巽章坐落地名榨背鎗旦坵晚田二畝五分計大小四坵上至朱宋田下至張宅田左至張戴田右至朱宅田爲界

嘉慶十年十二月得買宋惠章坐落地名長坑及小源頭晚田八分大小十四坵

一處小源頭左邊大小四坵上至朱姓田下至買人田左右俱至朱姓田

一處小源頭右邊一段大小八坵上至山墘下至朱姓田左至買人田右至山墘

一處長坑口上大小二坵上至行路下至朱姓田左右俱至朱姓田

嘉慶八年十二月得買宋巽章坐落地名江背小源頭

姜坑長埭礮仔下四處晚田五畝

一處江背計大小七坵上至張宅田下至朱宅田左至朱宅田右至水圳爲界

分宜縣志

卷四

學校書院

十五

一處小源頭姜坑二段右一段計十一坵上至戴宅

田下至朱宅田左至山嘴右至水江左一段六坵上

至戴宅田下至羅宅田左至山嘴右至山嘴爲界

一處長埭計一坵上至戴宅田下至宋宅田左至山墘右至山墘爲界

一處礮仔下計三段左一段十四坵上至宋宅山下至劉宅田左至山勘右至山嘴爲界右一段計四坵

上至山墘下至張宅田左至山嘴右至朱宅田爲界又右一段計六坵上至朱宅田下至戴宅田左至朱宅田右至戴宅田爲界

嘉慶八年十二月得買宋書章坐落地名寮前大小五  
坵上至朱宅田下至宋宅田左至朱宋二姓田右至  
戴宅田爲界

嘉慶辛未年十二月得買宋顯章坐落地名潦前江路  
裡上坵晚田四分大小三坵上至朱宅田下至買人  
田左至劉宅田右至朱宅田買人田下二坵上至  
買人田下至買人田左至宋宅田大江右至買人田  
爲界

嘉慶甲子年十一月得買宋亮章坐落地名長埭晚田  
一畝三分計大小十三坵上至宋宅山買人田下至

分宜縣志

卷四

學校書院

十六

朱姓田左至田角直下朱姓田角右至山爲界

嘉慶辛未年十二月得買宋萬里坐落地名榨背晚田  
二畝五分大小四坵上至劉戴二姓田下至朱姓榨  
係水江左至水江右至宋姓田爲界

乾隆五十九年得買張奇千梁坐落地名十都長富蛋子  
坑土田五分上至水圳下至石墘左至水江右至山  
腳爲界

乾隆五十七年十二月得買張才英坐落地名後江墘  
上早田一畝計大小三坵上至承買人山墘左右俱  
至高墘下至朱宅田爲界

乾隆五十七年十二月得買張祖華坐落地名後岡晚田一畝計五坵上至陳姓田下至張姓田左右俱至高塹爲界

嘉慶戊辰年十二月得買張祿中坐落地名蛇形件上晚田一畝大小十三坵上至張胡二姓田下至張陳二姓田左至張姓田右至行路爲界

嘉慶元年十二月得買朱柱五坐落地名山口坳背庵前晚田一畝大小二坵上至買人田下至宋宅田左右高塹爲界

嘉慶七年二月得買朱玉輝坐落地名小原頭田一畝

分宜縣志

卷四

學校 書院

十七

大小十三坵上段大小十坵上至朱宅田下至水江左至宋宅田右至水江下段三坵上至宋宅田下至朱宅田左至水江右至宋宅田高塹

屋宇蜈蚣形下土墻屋一棟一廳四間兩傍橫屋各二間後岡老屋土墻屋一棟一廳四間兩傍橫屋各二間後岡左邊側壁土墻屋一棟一廳四間

山場

乾隆乙巳年十一月得買張文魁元兄弟坐落地名牛扇墘右邊荒山一所上至龍頂分水爲界下至企心爲界左至騎龍分水朱宅爲界右至大坳爲界



嘉慶八年十二月得買朱玉輝叔侄坐落地名淡子坑  
杉山土松雜樹等項山一嶂上至龍頂下至田墾左  
右俱至買人山爲界

嘉慶乙丑年十二月得買宋歡章坐落地名釵形荒山  
土種有松杉竹木茶梓林雜樹等項上至坎山高墾  
橫過爲界下至田墾左至分龍直下右至厠壁分小  
龍直下劉姓爲界共熟土五塊一併在內水圳直下  
爲界外批中龍錢姓古墳連共貳橫地不得佔山  
不得佔地

嘉慶元年三月得買朱玉聖兄弟坐落地名十都山口

分宜縣志

卷四

學校書院

十八

蜈蚣形山場園土一所種有杉松棕竹木梓茶雜樹  
等項上至地墳灰椿爲界下至田墾爲界左至挖瑚  
分龍灰椿爲界右至分龍爲界

乾隆五十二年五月得買饒巨龍叔侄坐落地名吳心  
山山場二處上至龍頂分水爲界下至田墾爲界左  
至故路直下田墾爲界右至買人山山心爲界酸洞  
坳上至龍頂分水爲界下至外口石嘴爲界左至張  
宅山外口石嘴爲界右至朱宅山石嘴直上爲界山  
內黃姓坟墓二處尅出橫直一丈在外

嘉慶癸亥年十月得買朱國興坐落地名花背坑荒山

土桐茶棕竹杉松雜樹等項上至龍頂下至高塍左至騎龍分水右至企心爲界

乾隆四十九年十二月得買胡蒸春坐落地名十都花背坑荒山一塊上至騎龍分水爲界下至田墘爲界左至朱姓山企心值上龍嘴到頂爲界右至張姓山騎龍分水爲界

乾隆五十四年十月得買朱苟古坐落地名十都山口牛扇墘右邊荒山一塊上至龍頂下至企心右至張宅山爲界左至本人爲界

乾隆四十九年十一月得買朱玉輝兄弟等坐落地名

分宜縣志

卷四

學校 書院

十九

牛唐下荒山一塊上至龍頂下至企心左至大垵直上右至出筆人山爲界剋除古坟中龍在外賣人管業

嘉慶丙寅年十二月得買張兆相等坐落地名牛塘下山土杉木梓林雜樹等項上至龍頂分水爲界下至企心水圳田墘爲界左至王姓山爲界右至陳姓山騎龍分水爲界

乾隆五十九年得買張奇梁兄弟坐落地名十都長富蛋子坑山二處並桐茶木梓竹木松棕杉雜樹等項及蓬屋一所灰屋一間上至龍頂分水爲界下至田

勘並亼弦爲界左至買人山爲界右至王姓山亼心  
灰椿直上爲界又一處山土名牛扇堂所有契內父  
塚一棺方圓三丈日後永不復葬

乾隆六十年十一月得買張學諒坐落地名淡子坑梓  
林荒山土雜樹等項上至分龍下至田左至出筆人  
山分龍灰椿直下石板爲界右至朱宅山分龍爲界  
嘉慶九年十二月得買胡宗秀張容照坐落地名規泥  
江仔口荒山土桐茶棕竹松雜樹杉木梓林等項上  
至龍頂下至田墾水江爲界左至亼心灰椿爲界右  
至騎龍分水爲界左右俱至陳姓山爲界

分宜縣志

卷四

學校書院

二十

嘉慶元年三月得買朱玉聖兄弟坐落地名十都山口  
蜈公形山場園土杉松棕竹木梓茶雜樹等項上至  
地灰椿爲界下至田墾爲界左至挖蜩騎龍分水灰  
椿爲界右至騎龍分水爲界

乾隆三十八年十月得買張祖華坐落地名后江荒山  
一所上至騎龍分水下至亼心直上左至買人山右  
至甘姓平龍灰椿爲界

乾隆三十七年九月得買張步占等坐落地名原江山  
內松杉雜木等項上至山頂倒水爲界下至亼心水  
圳爲界左至朱宅山騎龍分水爲界右至張宅眾山

騎龍分水爲界

嘉慶戊辰年六月得買宋巽章坐落地名西坑荒山土杉木梓林松雜樹等項上至龍頂下至田墘左至陳姓山爲界右至分龍爲界

乾隆五十六年八月得買朱世發坐落地名猪仔坑荒山一處上行路爲界下至水圳岔心爲界左至本人山爲界右至朱宅側壁下岔心爲界

嘉慶六年九月得買朱玉輝坐落地名淡子坑山場梓林杉山松雜樹百物等項上至龍頂下至本人山小墘左至岔心直下右至本人山騎龍分水爲界

分宜縣志

卷四

學校 書院

二十一

嘉慶二年十二月得買朱西珍坐落地名岳坑山場杉松雜樹等項上至龍頂下至水圳爲界左右朱姓灰椿爲界

嘉慶九年三月得買王占紅坐落地名淡子坑山土桐槩杉松雜樹等項上至龍頂下至買人山左右俱至買人山爲界

嘉慶二十四年  
貢生鍾步和捐茶源田十畝五分  
李四維捐書院西邊基地一塊橫三丈直九丈  
萬隆捐書院照牆外基地六尺

道光三年

江西巡撫程含章撥公項銀壹百兩

知縣楊振綱捐銀叁百兩

道光三年一都比畝眾捐王家邊田三畝

道光四年耆民郭大用捐王頭嶺沔村田十九畝三分

又大寶衍捐田三八畝

張天叙堂捐渣村田四畝二分

坊廂十比畝眾捐霞塘等處田七畝五分

東廂傅冬生捐北墩田四畝一分

西廂十比張世槐等捐邊坑等處田十二畝

分宜縣志

卷四

學校 書院

二十二

例貢生蕭必祿捐錢壹百吊置買田產為書院膏火之資邑侯楊振綱贈尚義樂施匾額

六都監生楊開智捐新社城上等處田五畝

六都楊運通捐新社等處田三畝

十七都一三三四五甲捐收村田十畝六分

二都比萬清等捐后英村田三畝

邑紳李朝元捐金家邊早田六畝四分

六都一甲生員李夢賚捐棚下田五畝

十五都比合興戶眾捐王家山門前田六畝一分

八都二畝五六七八九甲眾捐馬總陂口官路下田

二畝

十七都十九甲捐南瓦子坵等處田八畝

十一都畝眾捐下社江背田四畝五分

羅王謝氏捐早晚田三十四畝五分七厘及山場屋宇

等業原據稟明所捐田產該氏生前仍收租自贍身

後歸公現據先撥山口田十五畝歸書院收租前志

已刊田畝各契

武生袁曰麟捐白田官路下等處田二畝三分

十七都生員鄧錦彪等捐白田等處田四畝九分

二十一都易大勳捐黃家裡瀨源村田三十四畝

分宜縣志

卷四

學校 書院

二十三

道光五年九都七甲眾捐花園鐘鼓石早晚田二畝

九都六甲生員康誥捐嚴洙早田一畝

九甲捐泗海早田四分

七甲捐田二畝

九都八甲彭愷敘堂捐田一畝

職員康祖壽捐花園官廳上早田二畝

道光十年監生袁家達捐泉嶺下茶山併眾木山一

面坐南向北其山界東至盆形直下西至王姓山南

至騎龍分水平盤一半北至山腳水圳爲界一正屋

一廳五間上下瓦桁基地四圍土墻連門前平廠基

地左右兩邊灰厠凡未開墾荒山及桐茶竹木荒熟  
土膏一併在內

道光十一年三月邑紳袁裕琳捐禮教坊早晚田二  
十畝零二分五厘計糧銀水稅二十畝土稅二分五  
厘一早田庵前二十巴一坵白鷺塘十巴一坵石板  
坵十五巴一坵潭坵路十巴一坵又潭坵三十巴一  
坵王公陂二十巴一坵

一晚田逕塘二十巴一坵葫蘆坵二十巴一坵逕塘  
口二十巴二坵小隴二十巴四坵蘆前二十巴一坵  
又蘆前十五巴二坵院前二十巴一坵大塘下三十

分宜縣志

卷四

學校 書院

二十四

巴一坵峽口裡壹百巴七坵

以上共四百零五巴

道光十三年監生袁馨遠捐池塘早田二十畝四分  
下塘屋背六十巴村前五十巴又村前四十巴又村  
前三十五巴又村前四十巴對門三十巴晚田水路  
坵三十巴又村前二十巴對門四十五巴桐嶺下五  
十巴外捐錢貳百吊

道光十六年知縣曾興仁捐李嘉會東廂四保店房  
一所坐南向北

道光十七年二十一都九甲彭廷案捐坑背早田二

十五畝四分

六都二甲朱光彩等捐冶源南山象形腳下晚田六畝

生員嚴觀捐航江竹家山地方早田七畝三分

宋福章等捐山口地方早晚田二畝五分

袁作述等捐袁姓門前早田七分五厘

蘇福龍捐航江早田二畝

胡受祿捐新祉東邊車架下地方早田一畝一分二厘

曾占魁捐澣頭江北杉坡裡虎形山場屋宇空基杉

分宜縣志

卷四

學校 書院

二十五

松竹茶樹

十都二甲吳相二捐下午晚田二畝五分

袁定茹捐嶺下門前早田一畝五分

職員張王捐榛下塘源坑早晚田二畝七分

杭發元捐石陂石蘭坑晚田二畝

鈐陽書院得買羅家邊早晚田三百三十巴半

又書院得買黃儀文航江虎形棚下莊田一所計早

晚田十三畝六分

孔傳正捐羅家邊早晚田三百三十七巴半連買業

共三十畝九分



源頭袁學澹捐田三畝七分五厘

箬嶺彭永泰捐坑背田八畝五厘

道光三年四年十七年捐錢列后

職員蕭必和捐烏社茅人坑茶桐等樹一所原價五

十千文每年收油租壹百二十斤今捐入書院以助

膏火佃山人每年交山租錢五百文與蕭英華堂眾

收

職員李瑛捐錢二百吊

劉炳達捐錢壹百吊

東廂眾捐錢七十七千四百文

分宜縣志

卷四

學校 書院

生員嚴觀捐錢七十吊

袁愛古捐錢六十吊

午橋鍾澄源捐錢五十二吊

劉廷禹 吳錦德堂 各捐錢五十吊

烏社 張伯翊 各捐錢四十吊

袁三房捐錢三十五吊

二十六都 鍾全奇 各捐三十二吊

張垂裕堂 黃盛輝 各捐三十吊

十都捐二十五吊

七都 袁宗寶 各捐二十四吊

李宏謨 歐陽紱 孔昭榮 嚴升莊 嚴思臨

郭承德 宋嘉會 十二都 二十七都

西關張珩公眾

以上各捐錢貳拾吊

二十五都十八吊

廖頂盛 各捐十六吊

二十八都 各捐錢十五吊

張必貴 各捐錢十五吊

十九都捐錢十四吊

趙同仁堂捐錢十三吊八百文

分宜縣志

卷四

學校 書院

貢生張申禧 各捐錢十二吊

張祖華 三十一都捐錢十一吊六百文

劉世寬捐錢十一吊

彭世睦捐谷十五石

八都歐陽眾和堂 九都 二十都 二十一都

四都 二十二都 五都 二十三都 六都

十四都 三十都 二十九都 三十一都

三十五都二畝 朱朝孫 夏侯濟 嚴桂杏

嚴長裕 嚴麟戶 嚴曰俊 嚴五富 楊曰煒

袁長房 蕭必祿 泗水張忠孝堂 傅雍肅堂

嚴重慶 嚴享保 嚴純慶 譚光裕堂 陳文星  
任敦睦堂 范萃英堂 曾占魁

以上各捐錢拾吊

潘日忠 袁懋賞 各捐九吊

戴德慶堂 潘日炳 易尙紀 袁紹德堂

陳瑞勝 張佑啟堂 三十五都一畝

以上各捐錢捌吊

十六都捐錢七千六百文

黃光裕捐錢七千三百五十文

袁宗鼎 袁宗憲 孔積慶堂 黃光廷

分宜縣志

卷四

學校 書院

二十八

袁福慶堂 黃文鳳 蕭文貴 羅相桂

以上各捐錢六吊

吳仕寅 陳安瀾 李茂臻 陳敦倫堂

袁嘉寅 嚴爲先 萬積慶堂 梁鎮 袁勝

何承德堂 林煜 楊忠節眾

以上各捐錢五吊

袁四房捐錢四千六百文

吳立德堂 張百忍堂 袁俊德 旺溪夏侯懋德

堂 朱永盛 黃榮生 蕭聚慶 晏哀繡

吳萑眾 嚴敬齋 嚴重庵 郭恭清 范殿魁

西岡趙啟後堂 黃其藻 黃大紱

以上各捐錢四千

黃文昌 黃盛公 陳元眾 彭世德 夏鼎新

嚴世慶 蕭世永 戴其德 朱賤牙 李愷敘堂

王承德堂 袁衣德堂 賴姓眾 嚴維勉

以上各捐錢三吊

溫大椿捐錢二吊六百文 鍾世英 盧三盛

萬聚慶堂 各二吊五百文

李文盛 高貢孟 邱正義 黃良生 劉坤

詹明珠 盧李敬 盧端裕 袁際本

分宜縣志

卷四

學校 書院

夏侯明高 朱愷敘堂

以上各捐錢二吊四百文

鄒永發 鍾世萼 張有見 陳光斗 朱念祖

朱敦本堂 戴文龍 李四朋 易輯睦堂

孔振聲 易賢 袁崇本堂 郭元生 彭冠眾

周平武堂 邊塘袁慶德堂 張京戶 李芳

鄒昌興 陳發勝 彭申雲 高陞 胡克紹

戴自興 夏克恕 李大綱 張光裕堂

以上各捐錢二吊

羅文會 吳銳敏 李相 周珏

塘邊彭世慶堂 袁仲相 張伯儀 夏重  
鍾務本堂 張若裕 張齊 萬濬戶

以上各捐錢一吊六百元

謝詔 袁善 黃思元 夏榮 黃欽

范文正堂 邱邦成 朱懋仁 朱樹梅堂

夏子卿 夏啟生 東關丁永明 劉國乾

劉懷德 劉愛敬堂 劉兆峯 楊秦生

彭聚順堂 高春生 黃瑞 高鳴曉 李兆偉

袁嗣俊 胡敦本堂 彭李生 黃其煌 黃汝屏

黃其焯 黃大昭 黃滋德 黃久炤

分宜縣志

卷四

學校書院

三十

以上各捐錢一吊

孔賢捐錢八百文 吳合生捐錢八百文

胡昇捐錢六百元

金忠賢堂一千三百文

朱元捐錢一吊一百文

道光二十五年

知縣楊在寅捐錢五十吊

存典

道光二十六年

監生李煌堂捐花土開田二畝

道光二十七年

知縣陳喬樅捐錢五十串

存典

道光五年邑令楊振綱興修鈐陽書院碑記

天下郡縣皆立學校所以廣教化育人材也書院輔學校以造士故人才之成由乎鄉以達於國而國家收郅治之效分宜屬袁東偏面鈐嶺帶秀江扶與磅礴之氣蜿蜒而鬱結材德忠信之人代生乎其間如唐之盧子發明之黃忠愨文章節義彪炳史乘人材係於山川教化啟乎人文不有所自來歟邑當宋淳熙分置後鈐岡清源歷有書院名目世遠年湮遺蹟不可復尋自明迄今皆以大常祠爲書院蓋名存而

分宜縣志

卷四

學校 書院

三十一

實亡者久矣前鶴泉龔公來權邑事有意振興文教既改太常祠爲忠愨專祠而以黃君其瑚張君曰杰所捐別墅爲書院題曰鈐陽黃張二君又助田租爲諸生薪火美哉始基之矣然一畝之宮環堵之室規制未極崇閎而舊租所入不敷度支無以爲修脯膏火之助予下車時頗以爲慮經營劈畫甚費周章適大中丞陳月川先生駐節江右以興養立教爲先務飭地方官無書院者卽行建立並許撥鹽課充公銀壹百兩爲倡當是時予首先捐廉通啟置簿給各都圖勸輸邑之人士歡欣踴躍共成善舉不期年而捐

田若干畝錢若干緡有李君四維者宅近書院又捐園地數弓以廣基址於是墻垣門宇講堂齋舍次第營建延山長置膏火設條目嚴課程而鈐陽書院之規模至是始備夫士先器識而後文藝倘功利之見未泯無以窺道誼之真浮華之習不除無以爲德性之固大學教人之旨具在也鹿洞鷺湖講學之規常新也士生治教昌隆之時

聖天子右文重道賢宰輔尊德育材辟雍海流庠序盈門沐浴詠歌固已滌瑕盪穢去闇昧而就光明矣又况山靈川秀篤毓偉人賢達之風節師友之淵源可效

分宜縣志

卷四

學校 書院

又三十一

可法乎吾見書院旣成諸生以時肄業其中尊所聞行所知成德達材明道經世固將處爲醇儒出爲良臣翊景運而維風教也豈徒誇詞章馳聲譽獵取科第爲一鄉一邑光寵哉襄是事者學博王公欽梅公照璧縣尉洪君治邑紳黃君其瑚張君曰杰用乃書其端末並刻捐田宅地銀姓名與支存款目於貞珉以垂諸不朽云

補登

重修龍標書院記

世言人事之廢興有數實由乎人嘗見村兒之爲戲也其黠者命羣兒曰我與汝齋菩薩某宜出果某宜出餌羣兒噉然爭索而往聚於荒僻之庭唾土而搏之像折榛而架之宇擊盆叩缶相與拜跪於其前黠者忽起攫其果餌而颺羣兒愠者詈者雜然作焉然無如何星散而已搏土之像架榛之宇罔顧也其數乎其人乎君子曰是亦人焉已矣邑之張家嶺有龍標書院者西北鄉之義塾也建自道光二十一年辛丑一時之規模雍肅結構閑閤幾幾乎告成矣厥後

旱潦頻仍經費不繼勸事者方以爲憂深恐十年之營勦一旦棄如敝屣戊申冬余莅任茲土始至之日卽以教養育才爲先務孝廉習君世黃暨同志諸君聞而激倡銳意維持於是師生有舍庖廩有次膏火有繼儼然堂廡嶙峋百爾咸備洵可爲急公好義者且設施約當井井有條尤見其潔志苦心必可行諸久遠嗚呼人事之廢興成毀莫不有數而由此觀之何莫非由乎其人耶斯塾廢弛荒逸已如器之欹側將墜於地設不有志古之士崛起而興之則幾與村裡兒童之見相去亦不遠矣余獨嘉其志之有成而



樂爲之記他若鋪張夸耀之辭迺非所以昭示來學而勵後進故概略而不述也

道光二十九年己酉春知分宜縣事東萊高夢麟撰

首士習世黃

道光庚子科舉人議敘加一級紀錄二次

嚴觀

邑附生議敘八品紀錄二次

黃其瑚

候選主簿議敘八品紀錄二次

袁尙慈

國學生議敘九品紀錄二次

鍾師陶

國學生鄉飲介賓紀錄二次

黃超

國學鄉飲介賓議敘九品紀錄二次

黃一鳳

邑附生議敘九品紀錄二次

分宜縣志

卷四

學校 社學附

三十三

鍾毓秀

國學生議敘九品紀錄二次

林森

邑附生議敘九品紀錄二次

捐輸議敘各姓名列后

黃大墀

黃大壇

黃大軒

黃允弨

羅紹瓏

議敘八品

鍾成仁

袁椿庭

質直已向學性嗜紀載小試有聲已取侑生議敘正九

黃耀興

子賦 性忠厚

黃耀起

子殷 勤治家

袁毓焯

鍾毓常

黃合元

袁錫簪

禮堂人 恩貢生 錫智胞弟 秉性淳良  
素履正 直勤儉 裕後積善 貽謀子三長  
汝英郡庠

汪其正